




ԶԱՄԱՐ

1987

Է

Amc 146



ԽԴ

ՏԱՐԻ




ԷԶՄԻԱԾԻՆ



ՊԱՇՏՈՆԱԿԱՆ
ԱՄՍԱԳԻՐ
ՀԱՅՐԱՊԵՏԱԿԱՆ
ԱԹՈՌՈՅ
Ս. ԷԶՄԻԱԾՆԻ

Յուլիս

1987




ՀՐԱՄԱՆԱԻ

Տ. Տ. ՎԱԶԳԵՆԻ ԱՌԱՋՆՈՅ

ՎԵՀԱՓԱՌ ԵՒ ՍՐԲԱԶՆԱԳՈՅՆ ԿԱԹՈՂԻԿՈՍԻ

ԱՄԵՆԱՅՆ ՀԱՅՈՑ



Ե. Տրագրական

ԵՐԱՆԵԼԻ ՕՐԵՐ

1. Այս օրերին, երբ արտասահմանի որոշ կուսակցական թերթեր իրենց գլուխն ունենալով հոստոնում հրատարակվող «Հայրենիք» օրաթերթը, կազմակերպված հարձակում են սանձազերծել Մայր Աթոռ Ս. Էջմիածնի և Ամենայն Հայոց կաթողիկոսի դեմ, իբր թե ի պաշտպանություն Տանն Կիլիկիո Աթոռի, մեր մտածումը գրնում է դեպի մոտավոր անցյալը, մանավանդ հետ առաջին համաշխարհային պատերազմի շրջանը, երբ քաջ առ քաջ զարգանում էր իրավ եղբայրական համերաշխ գործակցություն Ս. Էջմիածնի և Տանն Կիլիկիո Աթոռների միջև:

2. Ծմարիտ է, թե հեռավոր անցյալում, երբեմն խանգարվել է այդ համերաշխությունը, և տազնապալի կացություններ են ստեղծվել ինչ-ինչ արտաքին պայմանների քերումով կամ երկու կողմերի որոշ հոգևորականների անխորհուրդ ու հախտուն դիրքավորումների հետևանքով, սակայն այդ շրջանները կարճատև են եղել ու բնականոն հարաբերությունները վերականգնվել են, կանոնական իրավասությանց սահմանների պահպանումով և ճանաչումով Ս. Էջմիածնի Ամենայն Հայոց կաթողիկոսի վերին հեղինակության, իբրև Ընդհանրական Հայրապետը համայն Հայ Առաքելական Եկեղեցու:

3. Իբրև համերաշխության պատմական օրինակներ, հիշենք միայն երեք իրողություններ:

17-րդ դարում էր, երբ Մայր Աթոռի և Կիլիկյան Աթոռի հարաբերությունները

վատթարացել էին, ու կատարվում էին կանոնական անկարգություններ և իրավասությանց սահմանների խախտումներ, այլ խոսքով՝ անտեսվում էին Հայ Եկեղեցու կանոնական միությունը երաշխավորող սկզբունքները: Բայց օրվա հայրապետները գիտակցելով վտանգը, 1656-ին հանդիպում են ունենում Երուսաղեմում, Հայոց Պատրիարքության հարկի տակ, ողջագործվում են իբրև եղբայրներ, վերականգնվում են օրինական կարգն ու կանոնը իրենց Աթոռների հարաբերությանց և իրավասությանց մեջ, և այսպիսով վերսկսվում է համերաշխ մի գոյավիճակ և գործակցություն նրանց միջև:

4. Իբրև հիշատակության արժանի համերաշխության պահ, նշենք նաև այստեղ Մեծ Եղեռնի ահավոր ողբերգությունից հետո ստեղծված ծանր կացությունը, երբ Կիլիկյան Աթոռը, հուսահատության անդունդին մոտեցած, իր թշվառ զավակների հետ միասին գտնվում էր անտեր ու անտուն վիճակում: Այդ օրերին նույնիսկ եղել են մտածողներ, որ այլևս վերջ պետք է տալ Կիլիկյան Աթոռի գոյությանը, այն փոխադրելով Երուսաղեմ ու միացնելով տեղի Հայոց Պատրիարքության Աթոռին: Սակայն այդ հուսահատական պահը շուտով հաղթահարվել էր, և Ամենայն Հայոց կաթողիկոս Տ. Տ. Գևորգ Ե Հայրապետի հրամանով ու Երուսաղեմի Հայոց Պատրիարք Տ. Եղիշե արքեպիսկոպոս Դուրյանի կարգադրությամբ, հատուկ համաձայնագիր էր կնքվել 1929-ին, որով Երուսաղեմի Հայոց Աթոռի իրավասության ներքև գտնվող՝ Լի-

քանակի և Դամասկոսի թեմերը փոխանցվել են Կիլիկյան Աթոռի իրավասության ներքև, որպեսզի այդպիսով տեղահան եղած Կիլիկյան Աթոռը, Կիպրոսի և Հայեայի իր թեմերի հետ միասին, գոյատևի ու պահպանի իր պատմական Աթոռի առաքելությունը Հայ Եկեղեցու կառույցում:

Ահա մի պատմական սքանչելի օրինակ հոգեւոր համերաշխության և հայաշունչ եղբայրության:

5. Համերաշխության երրորդ պահ ենք նկատում Ս. Էջմիածնի գահակալ, երջանկահիշատակ Ս. Տ. Խորեն Ա Մուրադբեկյանի մահվան տխուր օրերը, երբ Կիլիկյան Աթոռը իր ողջ միաբանությամբ, ի գլուխ ունենալով իր ծերունագարդ Ս. Տ. Սահակ կաթողիկոս Խապայանին, սրտառույ կերպով մասնակցել է Հայ Եկեղեցու մեծ սգին, որով մի անգամ ևս արտահայտվել է սիրավոր եղբայրությունը Ս. Էջմիածնի ու Տաճն Կիլիկիո Աթոռների միջև:

Ահա մի հատված Կիլիկյան Աթոռի «Հասկ» պաշտոնաթերթի խմբագրականից.

«Ծանոթահարիչ էր Ապրիլ 11 թվակիր Երուսաղեմի Ամենապատիվ Ս. Պատրիարքին հեռագիրը, որով կգուժեր Ընդհանրական Հայրապետի Ս. Տ. Խորեն Ա Ս. կաթողիկոսի դառնալետ մահը՝ սրտի կաթվածի հետևանքով:

Խիստ վշտալի և հուզիչ էր այն վայրկյանը, երբ Նորին Ս. Օծություն Ս. Սահակ կաթողիկոս լսեց Ընդհանրական Հայրապետին մահվան բոլոր. քանի մը վայրկյան լուռ մնաց ան, գլուխը կախ և աչքերը փակ և ի վերջո, կարծես հարվածին պատճառած թմրությունեն ուշաքերելով, ըսավ.—«Ես պատրաստ էի փոխան Անոր մեռնելու, Եկեղեցին Անոր պետք ուներ, տակավին երիտասարդ էր քաղտաղմամբ իմ տարիքիս, հայ ժողովուրդը շատ բան կսպասեր Անոր բազմապիսի կարողություններեն. յուր հանկարծակի մեկնումով խոր խոցեց արդեն խոցոտյալ սիրտս. երեսունվեց տարվան կաթողիկոսությանս ընթացքին ողբացի ինձ լծակից պատվական Հայրապետներն, Խրիմյան, Իզմիրյան, Մուրենյան, Կյուլեսերյան և ահա ի լրումն դժբախտությանց Մուրադբեկյան... Թող Աստված լուսավորե հոգին և Մայր Աթոռը միշտ հաստատ պահե»:

Եվ ապա «Հասկ» պաշտոնաթերթի խմբագիրը շարունակում է.

«Տասնվեց դարերն է Վեր հայության աչքը միշտ հառած է Ս. Էջմիածնի և երբեք չէ խաբված, Հայ Եկեղեցին եղած է

միակ հաստատուն և տևական միջնաբերդ՝ հայության գոյությունը պահպանող, Հայ Եկեղեցին հայության հետ տառապած է, հայության հետ տեղափոխված է, տարագրված է, և սակայն միշտ Ս. Էջմիածինը իր հմայքը պահած է և հայությունը երբեք չէ մոռցած զայն, և ամեն տեսակ գոհողությանց ենթարկված է՝ Էջմիածինը և անոր կենսատու հիշատակը վառ պահելու համար: Էջմիածինը զանազան ժամանակներու մեջ թշնամիներն պաշարված ու ավերված է, Հայրապետական գահը ժողովուրդին հետ տեղե տեղ փոխադրված է, Հայրապետներ հալածված, չարչարված և գերի ալ տարվողներ եղած են, սակայն Էջմիածինը միշտ հայ ժողովուրդի մտքին ու սրտին մեջ այնպիսի հաստատուն տեղ մը գրաված է, որ բոլոր փոթորիկներն, վերիվայրումներն հետո Ան իր գոյությունը պահած է շնորհիվ եկեղեցասեր և ավանդապահ հայ ժողովուրդի աննկուն կամքի ուժին:

Կիլիկիո տարագիր Կաթողիկոսությունը, իր ալեգարդ գահակալով և նորակազմ միաբանությունով, թեմակալ սրբազաններով և տարագիր թեմականներով, կմաղթե, որ Հայ Եկեղեցվո վրայեն շուտ վերանսուգի և տխրության քողքը, Մայր Աթոռը օծովի արժանավոր գահակալով մը և Լուսավորչի կանթեղը իր անուշ պլպլումներով մխիթարե վշտահար ու սգավոր հայ ժողովուրդը» («Հասկ», 1938, մայիս):

Չի կարելի սույն տողերը կարդալ առանց հոգեւոր հուզում ապրելու:

Ահավասիկ իսկական պատկերը Կիլիկյան Աթոռի հարազատ հոգու:

6. Մեծի Տաճն Կիլիկիո Աթոռի եկեղեցական միության և եղբայրական համերաշխ գործակցության այդ ոգին, մնաց Անթիլիասի պահապան հրեշտակը նաև լուսաբնակ Ս. Տ. Գարեգին Ա Հովսեփյան կաթողիկոսի գահակալության տարիներին: Եկեղեցական միության ոգու և համագային միասնության անմոռանալի պահեր եղան Ամենայն Հայոց կաթողիկոս Ս. Տ. Գևորգ Զ-ի ընտրությունն ու օծումը, որին անձամբ մասնակցեց և նախագահեց Տաճն Կիլիկիո մեծ Հայրապետը:

7. Ավաղ, սակայն, միության և համերաշխության այդ ոգին, 1956-ից հետո զոհ գնաց՝ Եկեղեցու հետ կապ չունեցող միջկուսակցական հակամարտ փոթորիկներին՝ բոլորիս ծանոթ հետևանքներով:


Այստեղ մեր նպատակը չէ դատումներ

անել այդ տխուր օրերի իրադարձությունների և դրանց հետևանքների մասին: Միայն կամենում ենք մեր հաստատ համոզումը արձանագրել, որ արտասահմանում, մեր Եկեղեցու ծոցում պետք է վերջ գտնեն գոյատևող տազնապալի կացությունները, ամեն գնով, որովհետև այլապես հետզհետե պիտի վտանգվի մեր Մայր Եկեղեցու կրոնական և ազգային պատմական առաքելությունը հայ Սփյուռքի տարածքի վրա: Ամեն ճշմարիտ հայ հարց պետք է տա իրեն, մեր օրերին ո՛վ, ի՞նչ շահ ունի Հայրենիք-Սփյուռք կամուրջը քանդելու կամ տկարացնելու եկեղեցական

մակարդակի վրա: Ի՞նչ են մտածում այդպիսի Անթիլիասի մեր եղբայրները:

Մենք ողջունելի ենք գտնում Մայր Աթոռիս և Կիլիկյան Աթոռի զահակալների ճիգերը այս ուղղությամբ և ուզում ենք հույս հայտնել, որ հակառակ որոշ թերթերի դիտումնավոր և չարամիտ աղմկարարության, Տերը օգնության պիտի հասնի իր իսկ հիմնած Հայաստանյայց Առաքելական Եկեղեցուն:

Եվ մեզ, այսօրվաններին, թող պայծառ օրինակ հանդիսանան մոտավոր անցյալի եղբայրության և համերաշխության երանելի օրերը, Հայ Եկեղեցու նվիրապետական Աթոռների միջև:





**ԷՍՏՈՆԻԱՅԻ ԱՎԵՏԱՐԱՆԱԿԱՆ-ԼՈՒԹԵՐԱԿԱՆ ԵԿԵՂԵՑՈՒ
ԵՎ ՄԱՅՐ ԱԹՈՌԻ ՄԻՋԵՎ ՓՈԽԱՆԱԿՎԱԾ ՀԵՌԱԳՐԵՐ**

**ԾԱՅՐԱԳՈՒՅՆ ՊԱՏՐԻԱՐԷ ԵՎ ԿԱԹՈՂԻԿՈՍ ԱՄԵՆԱՅՆ ՀԱՅՈՑ
ՎԱՋԳԵՆ ԱՌԱՋԻՆԻՆ**

Ա. Էջմիածին

Քրիստոնեական եկեղեցիների հին ավանդության համաձայն միմյանց պետք է հայտնել եկեղեցիների ներքին կյանքի կարևոր իրադարձությունների մասին: Պատիվն ունեւ Ձերդ Սրբությանը հայտնելու, որ Էստոնիայի Ավետարանական-Լութերական եկեղեցու եկեղեցական ժողովը 1987 թվականի հունիսի 11-ին մեր եկեղեցու Արքեպիսկոպոս է ընտրել Կունո Պալուային: Այս առթիվ թույլ տվեք հույս հայտնել, որ մեր եկեղեցիների եղբայրական հարաբերությունները հետ այսու ևս կշարունակվեն երկկողմանի անկեղծ սիրով: Մեր ողերձի ավարտին մաղթում ենք Ձերդ Սրբությանը քաջառողջություն և երկար տարիների օրհնյալ հաջողություններ Ձեր բարձր և սրբազան ծառայության մեջ:

Խորին հարգանքներով՝

Է. ԽԻՅՋՅԱՐՎ

**ԷՍՏՈՆԻԱՅԻ ԱՎԵՏԱՐԱՆԱԿԱՆ-ԼՈՒԹԵՐԱԿԱՆ ԵԿԵՂԵՑՈՒ
ԿՈՆՍԻՍՏՈՐԻԱՅԻ ԱՏԵՆԱՊԵՏ**

Տալլին,

29 հունիսի 1987 թ.

**ՆՈՐԻՆ ՍՐԲԱՋՆՈՒԹՅՈՒՆ ԿՈՒՆՈ ՊԱՅՈՒԼԱՅԻՆ,
ԷՍՏՈՆԻԱՅԻ ԱՎԵՏԱՐԱՆԱԿԱՆ-ԼՈՒԹԵՐԱԿԱՆ ԵԿԵՂԵՑՈՒ
ԱՐԺԵՊԻՍԿՈՊՈՍԻՆ**

Տալլին

Ձերդ Սրբազնություն,
Գոհունակությամբ տեղեկացանք Էստոնիայի Ավետարանական-Լութերական եկեղեցու Հովվապետական Աթոռի վրա Ձեր ընտրության մասին: Ի՞նչքան Սուրբ Էջմիածնի կամարների ուղում ենք Մեր ողջույնները և

անկեղծ ցանկությունները և մաղթում քաջատղջություն և երկար տարի-
ների կյանք, հաջող իրականացում Ձեր աստվածաբան ծրագրերի՝ ուղղված
ձեր Սուրբ Եկեղեցու հետագա ծաղկման:

Թող օրհնի Հովվապետ Տերը Ձեր հետագա ծառայությունը:
Եղբայրական սիրով ի Քրիստոս՝

ՎԱԶԳԵՆ Ա.

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ա. Էջմիածին,
29 հունիսի 1987 թ.





«ԵՍ Է՛Ն ԵԿԵՆ ԵՄ ԻԲՐԵՎ ՈՒՆՏԱՎՈՐ»

Պատմական անհիշելի ժամանակներից ուխտագնացությունը մեր ժողովրդի համար հոգու սրբազան պահանջ է եղել: Քրիստոնեական երկու հազար տարիների ընթացքում մեր պատմիչները մեկից ավելի անգամներ ճշմարտապատում տեղեկություններ են թողել ուխտագնացությունների մասին Մշո Ա. Կարապետ, Առաքելոց վանք, Ս. Թադեի, Վասպուրականի զանազան սրբատեղիներ ու վանքեր: Հավաքական ուխտագնացություններ կազմակերպվել են դեպի Ս. Էջմիածին, Հաղբատ, Սանահին, Տաթև և մանավանդ Ս. Գեղարդա պատմական վանք: Այս վանքում է, որ Ս. Գրիգոր Լուսավորչից սկսած ոչ միայն հավատացյալ հայ ժողովուրդը, այլև շատ հաճախ սրբազան մեր հայրապետները, իրենց հետևորդներով, որպես ուխտավոր եկել են երկրպագելու քրիստոնեական մեծագույն սրբությունն հանդիսացող Աստվածամուխ Ս. Գեղարդին: Մեր օրերում էլ Ս. Գեղարդի պատմական այս նշանավոր վանքը չի կորցրել իր նախկին փառքը որպես ուխտավայր: Անցյալի սրբազան սովորույթով ամեն շաբաթ և կիրակի բազմահազար հայրդիներ Հայաստանի զանազան շրջաններից, գրեթե առանց բացառության Մայր Հայրենիք ուխտի եկած հարյուրավոր սփյուռքահայեր, ինչպես նաև մեր երկրին մոտիկ ու հեռավոր հանրապետություններից մեծ թվով ուխտավորներ ամեն կիրակի ու տոն օրերին գալիս են ու գալիս աղոթքի ու երկրպագության համար, որ ուխտավորի, այցելուի առջև իրենց ամբողջ շքեղությամբ հառնում են անկրկնելիորեն գեղեցիկ հայրենի բնաշխարհի հազարամյա սրբացած այն քարերը, որոնք

մոմի, խնկի և ժամանակի միահյուսումով դարձել են հուշ սրբազան պատմության ու հերոսական անցյալ:

1987 թ. հունիսի 28, կիրակի:

Ազգիս Սրբազնագույն Հայրապետը որոշել էր ուխտի աղոթքի գալ մեր հնամյա վանքը: Այդ օրը Ս. Էջմիածնի Մարավանքը սովորականից ավելի շուտ էր արթնացել՝ սրբազան մեծ ուխտավորին ճանապարհելու համար: Առավոտյան Նորին Սրբությունը իր ուղեկիցներով Իջման ա. սեղանի առջև աղոթքից հետո ճամփա ելավ ուխտի: Մայրավանքից ճանապարհը դեպի Ս. Գեղարդա վանք անցնում է Արարատյան դաշտավայրով, մայրաքաղաքի լայնահուն պողոտաներով, Կոտայքի շրջանով և երբեմնի արքայական ամառանոցային քաղաք Գառնիով: Այս ամբողջ ճանապարհին Հայոց Հայրապետին ուղեկցում էին Աստվածաշնչյան սրբազան Արարատները: Քիչ հետո մեքենաների շարայունը հայտնվեց գեղատեսիլ ու անտառաշատ Ազատ գետի հովտում, որի ակունքների մոտ, գետի ձախ ափին, մեր նախնիները կառուցել են հրաշակերտ այս տաճարը, որտեղ երբեմն օտարներն անգամ գալիս են այցելության: Վանքիս միաբանությունը, հավատացյալ հոծ բազմության հետ միասին, գլխավորությամբ վանահոր՝ արժանապատիվ Տ. Եղիշե ավագ քահանա Սարգսյանի, դիմավորեց Նորին Սրբությանը: Աջահամբույրից հետո Վեհափառ Հայրապետը իր հայրական օրհնությունը բաշխեց հավաքվածներին և զանգերի քաղցրալուր դողանքի ներքո առաջնորդվեց սուրբ տաճար:

Օրվա պատարագիչն էր Մայր Աթոռի՝

միաբաններից հյուրաբար Ս. Գեղարդում գտնվող Տ. Նզրաս արեղա Ներսիսյանը: Նորին Սրբությունը և Գերագույն Հոգևոր Խորհրդի պատվարժան անդամները՝ գերազնորի Տ. Սիոն արքեպս. Մանուկյանի գլխավորությամբ, զբաղեցրին իրենց հատկացված տեղերը: Այսօր իրապես բացահիկ է ա. պատարագի արարողությունը. երգչախումբը երգում է «Սուրբ-Սուրբ»: Աղոթում է լեփ-լեցուն եկեղեցին, աղոթում է նաև Սրբազան Քահանայապետը:

Հովվապետի քաջատոջության, եկեղեցաշեն գործոց հաջողության համար:

Վեհափառ Տեր, Ս. Գրիգոր Լուսավորչի կողմից հիմնադրված սրբազան այս վանքի ներկա միաբանության և հազարավոր ուխտավոր հայության համար բացահիկ ու եզակի օր է այսօր: Ստույգ է, որ Հայոց Հայրապետներից շատերը հաճախ երկրպագելու են եկել համաքրիստոնեական Աստվածամուխ Ս. Գեղարդին, որը շուրջ չորս հարյուր հիսուն տարի այնքան



Թափոր՝ դեպի Ս. Գեղարդի տաճար

«Հայր մեր»-ից առաջ վանքիս վանահայր արժանապատիվ Տ. Նիկիե ավագ քին. Սարգսյանը, բարի գալուստ մաղթելով Վեհափառ Հայրապետին և իր ողեկիցներին, առաջ.

«Ծնորհագարդ և Սրբազան Հայրապետ Ամենայն Հայոց.

Որդիական անհուն հրճվանքով և երախտագիտությամբ, հանուն մեր միաբանության, բազմահազար հավատացյալ և ուխտավոր Ձեր հոգևոր զավակների, թույլ տրվեք ողջունել և բարի գալուստ մաղթել Ձերդ Սրբությանը՝ Ս. Լուսավորչի զահի 130-րդ Աստվածարչալ Հայրապետիդ, և մատուցել մեր որդիական սրտաբուխ բաշքեմաղթությունները՝ իմաստնագարդ և քաջ

հավատքով և երկյուղածորեն պահպանվել է հոշակավոր այս վանքի միաբանության կողմից: Ծջմարիտ է նաև, որ վերջին հարյուրամյակում թերևս առաջին Հայրապետն էք, որ հատուկ մի կիրակի բացակայում եք Մայրավանքից հոշակավոր, պատմական այս վանքում աղոթելու, Ձեր սրբազան ներկայությամբ, օրհնաբեր խոսքով ավելացնելու համար նաև մեր հոգիների կանթեղի յուղը՝ ավիշը ոչ միայն մեր հոգևոր կյանքի, այլև լուսատունն ճկիրումի այն ուղու, որին կոչված ենք ծառայելու: Հպարտ եմ հանդիսավոր այս պահին զեկուցել ալեգարդ Վեհիդ, որ տասը տարի առաջ Ձերդ Սրբության օրհնությամբ և գործուն միջամտությամբ վերակազմակերպված այս վանքի այսօրվա միաբաններս քաջապես



Վերահիմա Հարապետը պատգամ է տալիս հավատացյալներին

գիտակցում ենք, որ ծառաներն ենք անգու-
գական, առաքելական ու ճշմարտապես
ազգային մեր Սուրբ Եկեղեցու, որի մյուռո-
նաբույր կամարների ներքո, զորությամբ
Ս. Հոգու և արիաջան, եկեղեցասեր, հայ-
րենասեր հայ եկեղեցականների անմնա-
ցորդ նվիրումի, հայ ժողովուրդը անաղարտ
է պահել ոչ միայն իր ուղղափառ հավատ-
քը, այլև իր ազգային ու մշակութային ան-
կրկնելի դիմագիծը: Ե դարի հայ պատ-
մագրության ամենանշանավոր դեմքերից
Փավստոս Բուզանդը, բնութագրելով Ներ-
սես Մեծ Հայրապետին, որը ի միջի այլոց
իր ամատային արձակուրդը երբեմն այս
վանքում է անցկացրել, գրում է. «Այր էր սա
մեծ և բարձր հասակաւ, վայելուչ գեղով...
տենչալի, ցանկալի, երկիրում ի տեսունէ,
յոյժ աւանդապահ պատիրամացն նորա,
մարդասէր, սուրբ, զգաստ, սաստիկ իմա-
սուն... իրաւանցն իրաւարար, ցածուն,
բաղք, խոնարհ և կատարեալ սիրովն Աս-
տուծոյ և եռայր Հոգւովն սրբով: Ամենալ-
նի կատարեալ յամենայնի, զի ոչ երբեք
ուրեք եղև նման նմա այլ ոք ի Հայաստան
երկրի»:

Աստված իմ, որքան զուգադիպություն և
նմանություն Մեծն Ներսես և Մեծն Վազ-
գեն Հայրապետների միջև: Թվում է, թե
ճշմարտապատում և իրատես պատմիչը
նկատի ունի Մեծն Վազգեն Ա. Ծնորհա-
գարդ Հայրապետի: 30 և ավելի տարիներ
է, որ վերաշինում և բարեգարդում եք Աս-
տուծո փառքի համար կառուցված անկրկ-
նելի ճարտարապետական գոհարներ՝ մեր
վանքերն ու եկեղեցիները, ինչպես այդ ա-
նում էր 1500 տարիներ առաջ Մեծն Ներ-
սես Հայրապետը: Մեր ժողովուրդն ու Ե-
կեղեցին Ձերո՛ Սրբության անձնական
բարձր հեղինակությանը և Ձեզ յուրահա-
տուկ գործարար ջանքերին են պարտական,
որ վերջապես մեր օրերում հնարավոր ե-
ղավ հաշտ օտարների մեր Եկեղեցին, մա-
նավանդ Քրիստոսաւէ Մայր Աթոռ Ս. Էջ-
միածինը իր ավանդական դիրքի և բարձ-
րության հասցնել: Հպարտ է մեր ժողո-
վուրդը, որ ջարդվեց օտարների կողմից
մեր Եկեղեցու նկատմամբ եղած արհա-
մարհանքի և անտարբերության սառույցը:
Այսօր, արդեն Հայ Եկեղեցին ամենաբազ-
մանդամ մեծերի հետ խոսքի է ճատում որ-
պես իրավահավասար Եկեղեցի, պահելով
երկհազարամյա առաքելական իր շքեղ
փառքն ու ավանդական դիրքը: Այս շատ
կարևոր հարցում դժվար է զուգահեռ անց-
կացնել մեր եկեղեցական պատմության
մեջ:

Վեհափառ Տեր, օգտվելով հարմար առի-
թից, թույլ տվեք մեր միաբանության և իմ
կողմից խոնարհ աջահամբույրով վերանո-
րոգել անմնացորդ նվիրվածության և ծա-
ռայության մեր ուխտը բազմաշարչար մեր
Եկեղեցու, Միածնաւէ Մայր Աթոռ Ս. Էջ-
միածնի և նրա շնորհագարդ մեծ գահա-
կալի հանդէպ: Որդիական շնորհակալու-
թյուններ Սրբությանդ Ձեր սրբազան ներ-
կայությամբ մեզ բոլորիս պարգևած շատ
բարձր պատվի համար: Այսօր և ամեն օր,
Վեհափառ Տեր, ուխտավոր մեր ժողովրդի
հետ, միշտ աղոթող ենք, որ բարին Աստ-
ված համերամ ժամանակոք առողջ և ա-
պահով կյանք պարգևի Վեհիդ, որ կարո-
ղանաք այսքան խոտվահույզ մեր ժամա-
նակներում ալեկոծումներից փրկել մեր Ս.
Եկեղեցին:

Կրկին ու կրկին բարի գալուստ մաղթե-
լով Ձեզ և Ձեզ ուղեկցող Գերագույն Հո-
գևոր Խորհրդի պատվարժան անդամնե-
րին, խոնարհաբար խնդրում եմ օրհնել Ձեր
առջև անհամբեր սպասող, Ձեր օրհնու-
թյանը կարոտ Ձեր ժողովրդին:

«Ի Տեառնէ առաքեցաք» մեզ համար,
Վեհափառ Տեր»:

Հուսկ ապա Վեհափառ Հայրապետը իր
օրհնության խոսքն ուղղեց հավաքված ուխ-
տավոր ժողովրդին:

Մեզ համար մեծ գոհունակություն է աչ-
սօր լինել Ս. Գեղարդում՝ այս պատմա-
կան վանքում, ս. պատարագի ժամին, ձեզ
հետ միասին խղոթելու: Բացառիկ, իրապես
հոգեկան հրճվանքի պահ է ինձ համար,
կարծում եմ նաև ձեզ համար, որ այսքան
մեծ թվով քավաքվել եք այստեղ: Ինձ հա-
մար մխիթարական է, որ մեր ժողովուր-
դը ոչ միայն Երևանից, այլ նաև հեռավոր
շրջաններից, տակավին մույնիսկ դրացի
հանրապետություններից հայ կանայք և
տղամարդիկ, երիտասարդներ և ծերունի-
ներ չեն մոռանում Ս. Գեղարդը, և գոնե
տարին մի անգամ, կամ գուցե երկու տա-
րին մի անգամ ուխտի են գալիս՝ աղոթելու
և ստանալու այս սրբացած քարերից և ս.
սեղանից Աստուծո օրհնությունը: Ես էլ
այսօր եկել եմ իբրև ուխտավոր մեր հոգե-
վոր եղբայր գերաշնորհ Սիոն արքեպիս-
կոպոսի և մեր Գերագույն Հոգևոր Խոր-
հրդի անդամների հետ միասին: Միշտ է,
որ կարելի է աղոթել ամեն տեղ, ամեն ե-
կեղեցու կամարների ներքո, կամ մույնիսկ
եկեղեցուց դուրս, ինչպես ինքը՝ Հիսուս

արտահայտվում է այդ մասին, թե որտեղ էլ որ լինեք և աղոթեք՝ ես այնտեղ եմ ձեզ լսելու: Դա ճշմարիտ է, սակայն կան վայրեր, սրբատեղիներ, որոնք կարծես սովորական աղոթատեղիներից ավելի են: Մենք ահա այս Ս. Գեղարդա կամարների մերքո այդ ավելին գտնում ենք և ապրում: Եվ այդ ավելին, իմ կարծիքով, այն բազմաթիվ, տասնյակ սերունդներն են, մոտ հազար տարի և ավելի, որոնք մեզ նման ուխտի են եկել: Հայաստանցիներ, նույնիսկ Հայաստանից հեռու ապրող հայեր հարյուրավոր տարիներ շարունակ, սերնդից-սերունդ, շարան առ շարան եկել են համբուրելու այս սրբացած քարերը և հայցելու Աստծու օգնականությունը, ողորմությունը և օրհնությունը: Տակավին հնագույն ավանդություններից մեզ հայտնի է, որ նույնիսկ Գրիգոր Լուսավորիչ եկել է բնության այս հրաշալի անկյունը, այս երկնամերձ լեռների, ժայռերի մեջ աղոթելու: Եվ այսօր, երբ մենք այստեղ աղոթում ենք, լսելիություն կեդրավ գտնում ենք մեր նախնիների ներկայությունը մեր մեջ:

Փառք Աստուծո, որ հնադարյան այս վանքը, իմ զահակայության տարիներին վերանորոգվեց հիմնովին: Ավելի տարիքոտները ձեզանից հիշում են, թե ինչպիսի վիճակի մեջ էր գտնվում այն և ինչպիսի անխնամ ու կիսավեր վիճակի մեջ էին գտնվում այս շինությունները 80—40 տարիներ առաջ: Բայց, Աստուծո օգնականությամբ, մեր ժողովուրդի առատաձեռնությամբ, մեր պետական իշխանությանց բարյացակամ վերաբերմունքով և օժանդակությամբ նույնիսկ, կարողացանք կամաց-կամաց վերանորոգել այս վանքը և՛ ներքուստ, և՛ արտաքուստ, և՛ վանատունը, և՛ բոլոր մյուս հարակից շենքերը: Հատկապես վերջին տասը տարիների ընթացքում Գեղարդա վանքը ամեն իմաստով իր բարձրագույն մակարդակը գտավ և դա պարտական ենք մեծ մասամբ վանահորը՝ Տեր Եղիշե ավ. քհն. Սարգսյանին և իր շուրջը հավաքված քահանա հայրերին և պաշտոնյաներին, որոնք բացառիկ բարեխղճությամբ, գորգորանքով և նվիրվածությամբ աշխատում են այստեղ: Աշխատում են այն գիտակցությամբ, որ իրոք ծառայում են Աստուծո և մեր հայ ժողովուրդին: Եվ խոսք տարիների ընթացքում բոլոր մեր ուխտավորները, որոնք այցելում են Ս. Գեղարդ, և ոչ միայն հայերը, այլ նաև Սովետական Միության հեռավոր շրջաններից եկած մեր ռուս եղբայրները կամ ուրիշ ազգություններ, կամ արտասահմանից, հեռավոր արևմտյան երկրներից եկած

ուխտավորներ, իբրև տուրիստներ ոգեշնչվում են այս սրբատեղիով և այս ճարտարապետական հիանալի կառույցով: Պետք է գիտենանք, չմոռանանք, որ Հայաստանի մյուս մի շարք պատմական վանքերի և եկեղեցիների շարքում առաջահերթ տեղ է գրավում Ս. Գեղարդը իր համբավով: Ս. Գեղարդի վանքը համաշխարհային արժեք ունի իբրև ինքնուրույն, չկրկնվող, ուրիշ տեղ չտեսնված հրաշակերտ տաճար: Ահա այստեղ ենք գտնվում մենք այսօր աղոթելու և ձեզ հետ միասին հոգեկան ներշնչանքի պահեր ապրելու:

Իմ խոսքում ես մի քանի անգամներ հիշեցի աղոթքի մասին: Մեր եկեղեցական գրքերում շատ սքանչելի աղոթքներ կան, որոնք խմբագրել են մեր երանելի հայրապետները, եռամեծ վարդապետները, դրանց թիվը շատ մեծ է, մի ամբողջ գրադարան կարելի է լցնել Հայ Եկեղեցու այդ սքանչելի, հոգևոր և գրական արժեք ներկայացնող աղոթքներով: Բայց կա մի աղոթք, որ մեր սրտին մոտ է առավելապես: Համաքրիստոնեական աղոթք է, որ ինքը մեր Տեր Հիսուս Քրիստոս իր կենդանի շուրթերով սրտասանեց առաջին անգամ երկու հազար տարիներ առաջ իր շուրջ համախըմբված իր հետևորդներին: Դա կարճ աղոթք է, Տերունական աղոթք ենք կոչում մենք և հաճախ արտասանվում է և եկեղեցիների կամարների մերքո, ժամերգությանց ընթացքին, և բնակարաններում: Ես կարծում եմ, որ այդ աղոթքը դուք բոլոր իմանում եք: Խոսքը «Հայր մեր»-ի մասին է: «Հայր մեր»-ը համաքրիստոնեական աղոթք է և սքանչելի աղոթք է: Այդ կարճ հատվածի մեջ համարյա ամեն բան ապաված է: Եվ ես պիտի ցանկալի, որ ձեզանից ամեն մեկը անգիր իմանալ սկզբից մինչև վերջ: Եվ պիտի հանձնարարեի նաև մայրերին, որ իրենց զավակներին էլ սովորեցնեն «Հայր մեր»-ը: «Հայր մեր, որ յերկինս ես, սուրբ եղիցի անուն քո, եկեղեցի արքայութիւն քո, եղիցի կամք քո, որպէս յերկինս և յերկրի...» և այլն: Այս վերջին խոսքի վրա ուզում եմ մեկ պահ կանգ առնել՝ «եղիցի կամք քո, որպէս յերկինս և յերկրի», այսինքն Տեր Աստված՝ Հայր մեր, թող քո կամքը կատարվի ինչպես երկրներում, այնպես էլ այստեղ՝ երկրի վրա: Եվ ո՞րն է Աստուծո կամքը: Մենք գիտենք այդ Ս. Ավետարանից: Աստուծո կամքն է, որ նախ մարդիկ երկրի վրա ապրեն և խաղաղ և արդար գործեքով: Սիրով տոգորված մեկը մյուսի հանդեպ, սեր՝ ընտանեկան հարկի տակ, սեր՝ ընկերային կյանքում, դրացիների, բարեկամների շրջանակում՝ սեր

և խաղաղություն աշխատանքի վայրում: Այդ սիրո հիմքի վրա կտարածվեն խաղաղ կյանքը, խաղաղ հարաբերությունները մարդկանց միջև: Քրիստոս ծնավ խաղաղության ավետիսով և հոգին ավանդեց խաչի վրա՝ խաղաղությունը թողնելով իբրև գերազույց պատգամ, ուղեցույց: Սիրով և խաղաղությամբ է, որ կարող է երկրի վրա իրականացվել Աստուծո կամքը: Եղբայրական սեր և կյանքի խաղաղություն ենք ցանկանում մեր հայ ժողովրդին: Բայց խաղաղության մասին խոսելով չենք կարող չմտածել նաև աշխարհի խաղաղության մասին, որովհետև մեր Հայաստան աշխարհն էլ այս աշխարհից դուրս չի գտնվում: Մենք էլ այս երկրագնդի վրա ենք ապրում, և անցյալից ահավոր փորձառություններ ունենք, երբ տուժել է մեր ազգը ռազմամոլ բռնակալ պետությունների պատերազմների հետևանքով: Դուք գիտեք մեր ազգի պատմությունը: Բավական է հիշել միայն 1915-ի մեծ կոտորածը՝ ցեղասպանությունը, երբ հայ ազգի կեսը բնաջրհեղեղ Արևմտյան Հայաստանում Օսմանյան կոչված վայրագ կառավարողների ձեռքով: Փառք Աստուծո, մենք արդեն իբրև ժողովուրդ խաղաղ և ապահով ապրում ենք Սովետական հանրապետությունների մեծ ընտանիքում, և ապրում ենք բարգավաճ ու հառաջդիմող կյանք՝ հետզհետե ծաղկումովը մեր շինարարության, տնտեսական և ազգային մշակութային, նաև մեր եկեղեցական կյանքը: Արդ աղոթող ենք, որ մեր այս խաղաղ և արդար կյանքը չխանգարվի, աշխարհի մեծամեծները իրար հետ հասկացողության լեզու գտնեն, պատերազմական միջոցների չդիմեն և համայն աշխարհի խաղաղության պայմաններում մեր ազգն էլ հետզհետե աճի, զարգանա և իրականացնի իր բոլոր արդար երազանքները: Ահա այսպիսով է որ Աստծու կամքը կլինի երկրի վրա:

Թող Տերը անասան և միշտ անվտանգ պահպանե մեր Մայր Հայրենիքը՝ Սովետական Հայաստանը, թող պահպանե, պահե անվտանգ համայն մեր ժողովուրդը ի Հայաստան և ի սփյուռս աշխարհի, որովհետև մեր ժողովուրդի համարյա կեսը ապրում է օտար երկրների կամարների տակ: Նրանք էլ մեր հարազատ զավակներն են և մենք կազմում ենք մեկ ամբողջական և անբաժանելի ազգություն՝ թվով ավելի քան յոթ միլիոն: Թող Աստված իր պահապան ձեռքը տարածված պահի մեր բոլորիս վրա և լսի մեր աղոթքները և իր օրհնությունը բաշխի բոլորիս, սիրելի հավատացյալներ, պարզելով ձեզ քաջառողջություն, երջան-

կություն ձեր ընտանեկան հարկերի տակ և հաջողություն պարգևի ձեր բոլոր բարի գործերին:

«Ողջ լեռուք գորացեալ սուրբ հոգւով».
ամեն:

Օրհնության խոսքի ավարտից հետո Նորին Սրբությունը դիմեց եկեղեցում հավաքված խոռոներամ ժողովրդին, հիշեցնելով. «Քանի որ մենք ձեզ խոսեցինք նաև Տերունական աղոթքի մասին, եկեք ուրեմն այսօր սրբազան այս տաճարի մեջ, սուրբ պատարագի ընթացքում միասին երգենք «Հայր մեր»-ը»: Ծառ հուզիչ էր ու խորապես տպավորիչ, որ Հայաստանի տարբեր շրջաններից աղոթքի եկած հայ հավատացյալները, անալով Հայրապետի կոչին, միացան դարաց դասին՝ այնքան ներդաշնակորեն երգելով Տերունական աղոթքը:

Հավարտ ս. պատարագի խոռոներամ ժողովուրդը, շրջապատելով իր սիրասուն Հայրապետին, թափորի հետ միասին շարժվեց դեպի վանատուն: Հայրապետական թափորը հաճախ խառնվում էր, քանի որ հավատացյալները անընդհատ մոտենում և օրհնություն էին խնդրում վեհափառ Հայրապետից:

Ս. պատարագից հետո Նորին Սրբությունը բարեհաճեց ընդունել վանքի միաբանությանը՝ գլխավորությամբ արժանապատիվ Տ. Եղիշե ավագ քին. Սարգսյանի: Վանահայրը համառոտակի զեկուցեց վանքի հոգևոր, տնտեսական և շինարարական աշխույժ վիճակի մասին: Պատասխանեց Նորին Սրբությանը հետաքրքրող հարցերին:

Ընդունելության արժանացան նաև դըպրաց դասն ու աշխատակիցները: Վեհափառ Հայրապետը, տալով իր օրհնությունը, պատվիրեց, որ ավելի մեծ նվիրումով գործեն հանուն մեր Եկեղեցու: Ի պատիվ Նորին Սրբության և իր ուղեկիցների միաբանական սեղանատանը կազմակերպվեց հանդիսավոր ճաշ: Ծաշի ընթացքում վանահայր արժանապատիվ Տ. Եղիշե ավագ քին. Սարգսյանը մի անգամ ևս հանուն միաբանության բարի գալուստ մաղթելով Նորին Սրբությանը, ասաց.

«Վեհափառ Տեր, մեր ժողովուրդը երեսուն և ավելի տարիներ է, որ արժանանում է Ձերո Սրբության օրհնանքին: Գաղտնիք չէ, որ մեր հավատացյալ ժողովուրդը, թե՛ Հայրենիքում և թե՛ Սփյուռքում Ձեր Սրբազան անձի նկատմամբ անմնացորդ սեր ունի: Համայն հայ ժողովրդի մաղթանքն ու աղոթքը Ձեզ հետ է, քանի

որ Ձեր գործունեությամբ Հայաստանյայց Եկեղեցին ամենուրեք հասցրիք մոր բարձունքների»:

Ծաշից հետո Վեհափառ Հայրապետը մեկ անգամ ևս ցանկացավ շրջել վանքի բնակելի և տնտեսական շինությունները, գնահատելով կատարված շինարարական աշխատանքները, անելով մահ որոշ օգտակար դիտողություններ:

Չնայած մայրամուտ էր, բայց ուխտավորները դեռ լեցուն էին վանքի տարածքում. երբ հարցնում էինք ուշ մնալու պատճառը, պատասխանը լինում էր մեկ. «Սպասում ենք հանդիսավորապես ճանապարհելու մեր Վեհափառին և ստանալու իր հայ-


րական օրհնությունները»: Հավանաբար հենց այդ էր պատճառը, որ Նորին Սրբության մեկնելուց առաջ ժողովուրդը կենդանի միջանցք էր ստեղծել Վեհի և իր ուղեկիցների համար:

Վերջին անգամ օրհնելով ժողովրդին, հավատացյալների բարի ճանապարհի մաղթանքներով Վեհափառ Հայրապետը, իր ուխտը կատարած, ճամփա ելավ դեպի Մայր Աթոռ Ս. Էջմիածին:

Ուխտդ ընդունելի Աստուծո առջև և բարի ճանապարհ, սիրելի Վեհափառ:

ՊԵՏՐՈՍ ՔԶՆ. ՄԱԼՅԱՆ
Միաբան Ս. Գեղարդա վանքի





ԵՐԿՐԻ ՀՈՒՎԱՊԵՆԵՐՆԵ ԳԵՀԱՐԱՆԻ ՇՔԱՄՈՒՏՔԻ ԱՌՁԵՎ





ԱՆՏԻՈՔԻ ԵՎ ՀԱՄԱՅՆ ԱՐԵՎԵԼՔԻ ՀՈՒՅՆ ԿԱԹՈԼԻԿ
ԵԿԵՂԵՑՈՒ ՊԱՏՐԻԱՐԷ ՆՈՐԻՆ
ԱՄԵՆԱՊԱՏՎՈՒԹՅՈՒՆ ՄԱՔՍԻՄՈՍ Ե ՀԱՔԻՄԸ
ՄԱՅՐ ԱԹՈՒ Ս. ԷԶՄԻԱՆՈՒՄ

Հունիսի 6-ին Դամասկոսից Երևան ժամանեց Ամտիոքի և համայն Արևելքի Հույն Կաթողիկ եկեղեցու պետ Մաքսիմոս Ե Պատրիարքը՝ հավատացյալների մեծ խմբով: Սրբազան Պատրիարքին դիմավորեցին Մայր Աթոռի դիվանապետ Տ. Ներսես արքեպս. Պողոսյանը, հատկապես այս առիթով Մայր Աթոռ ժամանած Դամասկոսի և Հունաստանի առաջնորդ Տ. Ոսկան եպս. Գալիաքյանը և Արարատյան թեմի առաջնորդական փոխաձորդ Տ. Գարեգին եպս. Ներսիսյանը:


Հաջորդ առավոտյան Հոգեգալստյան սրբազան պատարագ էր Միաձնաէջ Մայր տաճարում: Հոծ բազմությունը եկել էր հաղորդվելու Ա. Հոգու շնորհներին և մասնակցելու քահանայական ձեռնադրությանը:

Հնչեցին զանգերը և թափորով Մայր տաճար առաջնորդվեցին Ամենայն Հայոց կաթողիկոս Վազգեն Ա Վեհափառ Հայրապետը և Նորին Ամենապատվություն Մաքսիմոս Ե Պատրիարքը:

Սրբազան քահանայապետները լուռ խոկումով հետևեցին սրբազան պատարագին, ապա և ձեռնադրության արարողության: «Ողջուն»-ի պահին Վեհափառ Հայրապետը ողջագուրվեց Սրբազան Պատրիարքի հետ, և Քրիստոսով եղբայրության համբույրը տարածվեց հավատացյալների մեջ:

Հավարտ ս. պատարագի Նորին Սուրբ Օծություն Տ. Տ. Վազգեն Ա Ամենայն Հայոց կաթողիկոսը պաշտոնական ճաշկերույթ տվեց Սրբազան հյուրի ժամանման առթիվ:

Վեհափառ Հայրապետը Պատրիարք Հորը բարի գալուստ մաղթելով առաց,



«Ուրախ ենք, որովհետև այսօր միասին աղոթեցինք Մայր տաճարում՝ Սուրբ Հոգու Գալստյան տոնին: Բոլորս գտնվում ենք Ս. Հոգու շնորհների ներքև: Այս սուրբ պահին ես չափազանց երջանիկ եմ, որ իմ կողքին աղոթակից ունեցա մեր Ամենապատիվ եղբորը՝ Անտիոքի Պատրիարք Մաքսակից ունեցա մեր Ամենապատիվ եղբորը՝ Նորին Սրբազնությունը, և իրենց թեմական ներկայացուցիչները՝ հարգարժան անձինք:

Սիրեցյալ եղբայր Մեր ի Քրիստոս, այս պահը Մեզ համար բացառիկ շնորհ է Աստծուց տրված, քանի որ պատմության մեջ, ինչքան գիտեմ, առաջին անգամն է, որ Անտիոքի մի պատրիարք այցելում է Ս. Էջմիածին: Եվ թող այս հանդիպումը մեր եղբայրությունը ավելի զորացնի և ամրապնդի մեր քրիստոնեական կյանքի ճանապարհի վրա: Մեր օրերի աշխարհը սազմապաի, գրեթե անմախքնաբաց չափերով այնչեռն վիճակում է զրտնընդունում: Եվ բնականաբար պետության ղեկավարներ, հասարակական գործույններ, փիլիսոփաներ, տնտեսագետներ և գիտնականներ որոնում են դարմանը այս փոթորկախառն աշխարհը խաղաղեցնելու, որպեսզի մարդկությունը հասնի խաղաղության նավահանգիստ և իրականաճա Հիսուսի պատգամը. «Յերկիր խաղաղություն և ի մարդիկ հաճություն»: Կարծում ենք, որ այս որոնումի մեջ Քրիստոսի Եկեղեցին առաջնահերթ առաքելությունը ունի գուցե նույնիսկ առաջնորդող ոգին դառնալու մեր օրերի համայն մարդկության: Մենք հավատում ենք, որ այս աշխարհը պիտի վերափոխվի, վերստին պաշտոնաճա և գտնի իր երջանկության, խաղաղության ճանապարհը Քրիստոսի Ավետարանով մանավանդ: Մնում է, որ մենք՝ քրիստոնյաներս, առավել ևս մոտենանք իրար: Տարբեր Եկեղեցիներ իրենց յուրահատկությունը պահելով հանդերձ պետք է իրար մոտենան և ամրացնեն, զորացնեն համաշխարհային քրիստոնեական եղբայրությունը:

Ձեզ մաղթում եմ լիակատար քաջառողջություն: Թող Աստված օրհնի ձեր Եկեղեցին և ձեր համայն հավատացյալ ժողովուրդը: Մենք իրար ավելի մոտիկից ճանաչեցինք այս առիթով: Եվ այլևս չենք բաժանվի: Աստված բոլորիս թող լինի օգնական: Ամեն:

Իր շնորհակալական պատասխան խոսքում Նորին Ամենապատվությունն ասաց.

«Ձերդ Սրբություն,

Թույլ տվեք ինձ ի բոլոր սրտե շնորհակալություն հայտնել Ձեզ այն լավ խոսքերի համար, որ ուղղեցիք ինձ և իմ ուղեկիցներին:

Անկեղծորեն ասեմ, երբ մտածեցինք այցելել Սուվետական Միություն, պայման դրեցի, որ այս այցելությունը լինի նաև հանդիպում Ձերդ Սրբության հետ: Բոլոր ուղեկիցներս համաձայն գտնվեցին, որովհետև բոլորս ցանկանում էինք այցելել Էջմիածին՝ աշխարհում Հայ Եկեղեցու այս հիմնաքար Սուրբ կենտրոնը:

Երկար ժամանակից ի վեր ես հիացած եմ Հայոց Եկեղեցիով, և ոչ միայն Հայոց Եկեղեցիով, այլև ամբողջ հայ ժողովրդով, որովհետև դուք Քրիստոսի համար կրեցիք այն, ինչ չի կրել ոչ ոք այս աշխարհում: Դուք բոլորդ մարտիրոսների որդիներ եք: Իսկապես, երբ նայում ենք մեր եղբայրներին Լիբանանում և Սիրիայում, գիտենք, թե նրանք կարողացան փախչել այն եղեռնից, որ թուրքերն էին վճռել: Եվ ձեր երկարատև պատմության ընթացքում թուրքեր շատ են եղել:

Այդ է պատճառը, որ մենք հիացած ենք ձեր ժողովրդով: Եվ ես եկա այստեղ, որպեսզի տոգորվեմ Քրիստոսի հավատքով ու քաջությամբ: Այդ պատճառով շնորհակալ եմ Ձեզ իմ և իմ ուղեկիցների նկատմամբ ցուցաբերած եղբայրության համար:

Ձերդ Արքություն,

Դուք խոսեցիք խաղաղության մասին, իսկ մենք խաղաղության կարիք ունենք որիշներից առաջիկ: Մերձավոր Արևելքի ամբողջ շրջանը վտանգի մեջ է: Այդ կարող եմ ասել ես (ես արդեն մեծ եմ տարիքով), որ իմ քահանայական և պատրիարքական կյանքում ականատես եմ եղել հինգ պատերազմների, առաջինը Պաղեստինում, երբ երեխա էի, և այժմ՝ Լիբանանում: Տասներեք տարուց ավելի է, որ պատերազմի մեջ ենք Լիբանանում և չգիտենք, թե երբ կվերջանա: Դրա համար էլ խնդրում ենք Ձեր և ձեր եկեղեցու աղերասները առ Աստված, որպեսզի կարողանանք պահպանել խաղաղությունը, որին տենչում են բոլորիս հոգիները:


Ինչպես առաջիք այժմ, խաղաղություն կլինի միայն Հիսուսի ճանապարհով՝ սիրով և Մերձավոր Արևելքում գտնվող բոլոր կրոնների միջև բանակցությամբ:

Թող ամեն ինձ նորից Ձեզ մաղթել ատողություն և երկար կյանք. մենք տարեկիցներ ենք և թող Տիրոջ կամքով ատող լինեք և երկար կյանք ունենաք Դուք և Ձեր գործակիցները»:

Շաշկերտյան անցավ ջերմ մթնոլորտում:

ԹՂԹԱԿԻՑ





ՀԱՂՈՐԴԱԳՐՈՒԹԻՒՆ

Սոյն թուականի Յունիսի 7-ին, կիրակի օրը, առաւօտեան, Հոգեգալըստեան տօնին, Ս. Ս. Վազգէն Ա Ամենայն Հայոց կաթողիկոսի հրամանով օրուայ պատարագիչ Գերաշնորհ Ս. Ներսէս արքեպիսկոպոս Պոզապալեանը Մայր տաճարում կուսակրօն քահանայ ձեռնադրեց Սուրբ Էջմիածնի հոգևոր ճեմարանի 1985—1986 տարիների շրջանաւարտներ՝

ա. Հայկ սրկ. Չուլջեանին, ծնեալ 1959 թ. Մալաթիայում (Թուրքիա), վերանուանելով Ս. Սեպուհ արեղայ.

բ. Ռոբերտ սրկ. Ադամեանին, ծնեալ 1963 թ. Աբադանում (Իրան), վերանուանելով Ս. Սիոն արեղայ.

գ. Սամուէլ սրկ. Կճոյեանին, ծնեալ 1957 թ. Երևանում, վերանուանելով Ս. Նաւասարդ արեղայ.

դ. Ռազմիկ սրկ. Իսախանեանին, ծնեալ 1963 թ. Հազարջրիբ գիւղում (Իրան), վերանուանելով Ս. Սերովբէ արեղայ.

ե. Գէորգ սրկ. Մկրտչեանին, ծնեալ 1961 թ. Եղեգնաձորի շրջանի Ռինդ գիւղում, վերանուանելով Ս. Աքրահամ արեղայ:


Նոյն օրը Մայր տաճարում, երեկոյեան ժամերգութեան ընթացքում, կատարուեց վեղարի տուչութեան արարողութիւն, որից յետոյ նորընծաները առաջնորդուեցին Վեհարան և ստացան Վեհափառ Հայրապետի օրհնութիւնը:

Նորապսակ արեղայ հայրերը 1987 թ. Մարտին յաջողութեամբ յանձնել էին կուսակրօն քահանայութեան համար սահմանուած քննութիւնները:

ԴԻԻԱՆ ՄԱՅՐ ԱԹՈՌԻ

Ա. Էջմիածին,
16 Յունիս 1987 թ.





ՀԱՂՈՐԴԱԳՐՈՒԹԻՒՆ

Սոյն թուականի Յունիսի 12—15 օրերին Մայր Աթոռ Ս. Էջմիածնում գումարուեց Խաղաղութեան Քրիստոնէական Կոնֆերանսի «Մերձաւոր Արեւելք» ենթա-լանձնաժողովի տարեկան նստաշրջանը, որին մասնակցում էին Չեխոսլովակիայից, Յորդանանից, Ռումինիայից, Արևմտեան Գերմանիայից, Յունաստանից, Թունիսից, Ռուսաստանից, Արևելյան Գերմանիայից, Միացեալ Նահանգներից, Լեհաստանից և Բուլղարիայից ժամանած տարբեր Եկեղեցիների շուրջ երեսուն հոգևորական և աշխարհական ներկայացուցիչներ:

Նստաշրջանին իրենց մասնակցութիւնն էին քերում Խաղաղութեան Քրիստոնէական Կոնֆերանսի փոխ-նախագահ դոկտ. Գերհարդ Բասարաւը և ԽՔԿ-ի Պրագայի կենտրոնում Ռուս Եկեղեցու մշտական ներկայացուցիչ հայր Գէորգի Գոնչարովը:

Նստաշրջանի աշխատանքներին մասնակցում էր նաև Հայց. Առաքելական Եկեղեցին իր ներկայացուցիչներով:

Ժողովի նշանաբանն էր՝ «Արդարութիւն պաղեստինցի ժողովրդին»:

Նստաշրջանի բացումը կատարեց Տ. Տ. Վազգէն Ա. Ամենայն Հայոց Վեհափառ Հայրապետը աղօթքով և ողջոյնի խօսքով:

Ժողովի երեք օրերի ընթացքում մասնակիցները գործարար և համերաշխ մթնոլորտում քննարկեցին Մերձաւոր Արևելքի կրօնական, քաղաքական, տնտեսական և հասարակական կեանքի իրավիճակը՝ հաստատելով Մերձաւոր Արևելքի տագնապի շուտափոյթ լուծման անհրաժեշտութիւնը խաղաղ ճանապարհով:

Ժողովի նիստերին նախագահեց և Մերձաւոր Արևելքի հարցերին նուիրուած զեկուցումով հանդէս եկաւ Մայր Աթոռի դիւանապետ Տ. Ներսէս արքեպիսկոպոս Պոզապալեանը:

Յունիսի 14-ին, կիրակի օրը, ժողովականները Մայր տաճարում ներկայ եղան ս. պատարագի արարողութեանը: Նոյն օրը յետ միջօրէին նրանք այցելեցին Ա. Գեղարդի վանք և ապա Սևանայ լիճ:

Յունիսի 15-ին, Գոթաշրջանի աւարտին, ժողովի մասնակիցներն ընդունեցին երկու փաստաթուղթ.

ա. Հաղորդագրութիւն, որ բովանդակում է ժողովի ընթացքը և արծարծուած խնդիրները.

բ. Խաղաղութեան Քրիստոնէական Կոնֆերանսի Գործադիր Կոմիտէին յղուած Մերձաւոր Արևելքի տագնապի լուծմանը վերաբերող 6 կէտերից բաղկացած յանձնարարականներ, որոնցից մէկը վերաբերում է Հայկական Ցեղասպանութեանը:


Յունիսի 15-ին, երեկոյեան, Երևանի «Արմենիա» հիւրանոցում, Հայկ. ՍՍՀ Մինիստրների Խորհրդին առընթեր Հայ Եկեղեցու գործերի խորհուրդը Գոթաշրջանի մասնակիցների պատուին կազմակերպեց պաշտօնական ճաշկերույթ:


Ճաշկերույթին ներկայ էին Ամենայն Հայոց Վեհափառ Հայրապետը, Հայ Եկեղեցու գործերի խորհրդի նախագահ Տիար Ստեփան Վարդանեանը՝ իր տեղակալներով, Գերագոյն Հոգևոր Խորհրդի անդամները, Մայր Աթոռի եպիսկոպոսաց դասը և ժողովի բոլոր մասնակիցները:

Յունիսի 16-ին մեծարգոյ ժողովականները հրաժեշտ տուեցին Վեհափառ Հայրապետին և մեկնեցին Մայր Աթոռից լաւագոյն տպաւորութիւններով:

ԴԻԻԱՆ ՄԱՅՐ ԱԹՈՌԻ

Ս. Էջմիածին,
18 Յունիս 1987 թ.





ՀԱՂՈՐԴԱԳՐՈՒԹԻՒՆ

1987 թ. Յունիսի 6-ին, շաբաթ օրը, Դամասկոսից Երևան ժամանեց Անտիոքի և համայն Արևելքի Յոյն Կաթողիկե Եկեղեցու Պատրիարք, Նորին Ամենապատուոթիւն Մաքսիմոս Ե Հաքիմը:

Ամենապատիւ Պատրիարք Հօրը այս առթիւ ուղեկցում էին, որպէս նրա շքախմբի անդամներ, Գերազնորի՝ Տ. Ֆրանսուա արքեպս. Ապու-Մըլալ, Հոգեւորի՝ Տ. Գաբրիէլ վարդապետ Մաալուֆը և Դամասկոսի համաւուն Եկեղեցու թեմական խորհրդի մի շարք անդամներ:

«Զուարթնոց» օդանավակայանում յարգարժան հիւրերին դիմաւորեցին և Ամենայն Հայոց Հայրապետի անունից բարի գալուստ մաղթեցին Մայր Աթոռի դիւանապետ Տ. Ներսէս արքեպս. Պողոսապետանը, Դամասկոսի և Յունաստանի հայոց առաջնորդ Տ. Ոսկան եպս. Գալփաքեանը և Արարատեան հայրապետական թեմի առաջնորդական փոխանորդ Տ. Գաբեգին եպս. Ներսիսեանը:

Յունիսի 7-ին, կիրակի օրը, առաւօտեան, Տ. Մաքսիմոս Ե Պատրիարքին և նրա շքախմբի անդամներին Վեհաբանում ընդունեց Տ. Տ. Վազգէն Ա Ամենայն Հայոց կաթողիկոսը և բարի գալուստ մաղթեց նրանց: Ամենապատիւ Սրբազան Պատրիարքի և Հայոց Հայրապետի միջև տեղի ունեցաւ զրոյց եղբայրական ջերմ մթնոլորտում: Այնուհետև քոյր Եկեղեցու բարձրաստիճան հիւրերը թափօրով առաջնորդուեցին Մայր տաճար՝ մասնակցելու Հոգեգալստեան տօնի առթիւ մատուցուող պատարագի սրբազան արարողութեանը:

Ա. պատարագին ներկա էր Սովետական Միութիւնում Ֆրանսիական Հանրապետութեան լիազօր դեսպան, Նորին Գերազանցութիւն Իւ Պանիէ-զը՝ իր տիկնոջ հետ:

Ա. պատարագին ներկայ էին նաև Ամենապատիւ Պատրիարք Հօր հետ Դամասկոսից ժամանած 45 սիրիացի արաբ քրիստոնէայ ուխտաւոր-

ներ, որոնք օրուայ պատարագիչ Տ. Ներսէս արքեպիսկոպոսի ձեռքից ստացան սուրբ Հաղորդութիւն:

Պատարագի ընթացքում պատարագիչ արքազանը հոգևոր ճեմարանի հինգ շրջանաւարտ սարկաւագների ձեռնադրեց կուսակրօն քահանայ:

Յաւարտ ու. պատարագի, Վեհարանի սեղանատանը Ամենայն Հայոց Հայրապետը, ի պատիւ Տ. Մաքսիմոս Ե Պատրիարքի, տունց պաշտօնական ճաշկերոյթ, որին ներկայ էին Պատրիարք Հօր շքախմբի հոգևորական և աշխարհական անդամները, Մայր Աթոռի եպիսկոպոսաց դասը, Գերագոյն Հոգևոր Խորհրդի անդամները և Սփիւռքից ժամանած այլ պաշտօնական անձինք:

Յունիսի 8-ին, երկուշաբթի օրը, Ամենապատիւ Տ. Մաքսիմոս Ե Պատրիարքը իր շքախմբի անդամներով այցելեց Ծիծեռնակաբերդ և ծաղկեպսակ գետեղեց Հայ մահատակաց յուշարձանին: Այնուհետև Մայր Աթոռի հիւրերը Երևանում այցելեցին Ա. Մեսրոպ Մաշտոցի անվան ձեռագրաց Մատենադարան, որտեղից ուղևորուեցին Գառնի և ապա Ա. Գեղարդի վանք: Այստեղ Սրբազան Պատրիարքը ընդունուեց վանահօր կողմից և «Հրաշափառ»-ով առաջնորդուեց եկեղեցի աղօթքի:

Նոյն օրը Մայր Աթոռի հիւրերը կրկին եղան Մայրավանքում և առիթ ունեցան այցելելու հոգևոր ճեմարան և Մայր Աթոռի թանգարանները:


Երեկոյեան Վեհափառ Հայրապետը Վեհարանի սեղանատանը, ի պատիւ հիւրերի, տունց ողջերթի ընթրիք:

Հետևեալ օրը, Յունիսի 9-ին, Տ. Մաքսիմոս Ե Պատրիարքը հրամեշտ տունց Հայոց Հայրապետին և իր շքախմբով Երևանից ուղևորուեց Թբիլիսի՝ ճանապարհին այցելելով Սևանի պատմական վանքերը:

ԴԻԻԱՆ ՄԱՅՐ ԱԹՈՐԻ

Ա. Էջմիածին,

19 Յունիս 1987 թ.





ՔՐԻՍՏՈՆԵԱԿԱՆ ԽԱՂԱՂՈՒԹՅԱՆ ՀԱՄԱԺՈՂՈՎԻ ՀԱՎԱՔԸ ՄԱՅՐ ԱԹՈՌ Ս. ԷԶՄԻԱԾՆՈՒՄ

Հայաստանյայց Առաքելական Եկեղեցու հրավերով 1987 թվականի հունիսի 12-ին Մայր Աթոռ Ս. Էջմիածնում իր աշխատանքներն սկսեց Քրիստոնեական Խաղաղության Համաժողովի «Մերձավոր Արևելք» ենթահանձնախմբի տարեկան ժողովը: Աշխարհի տարբեր երկրների ներկայացուցիչներ (ԱՄՆ, Արևմտյան Բեռլին, Բուլղարիա, ԳՂՀ, ԳՖՀ, Թուրքիա, Խորհրդային Միություն, Հորդանան, Հունաստան, Մեծ Բրիտանիա, Չեխոսլովակիա, Ռումինիա) հավաքվել էին քննելու Մերձավոր Արևելքի խնդիրները, հատկապես Պաղեստինի և պաղեստինցի ժողովրդի հարցերը: Ժողովի կարգախոսն էր՝ «Արդարություն պաղեստինցի ժողովրդին»: Հայ Եկեղեցու կողմից ժողովի աշխատանքներին մասնակցեցին Մայր Աթոռի դիվանապետ գերաշնորհ Ս. Ներսես արքեպս. Պողոսյանը, Մայր Աթոռի արտաքին հարաբերությունների բաժնի ընդհանուր քարտուղար Պարգև Ծախաչյանը և «Էջմիածին» ամսագրի խմբագիր Երվանդ Մելքոնյանը: Ժողովի աշխատանքներին դիտորդի հանգամանքով մասնակցեց հյուրաբար Մայր Աթոռում գտնվող Դամասկոսի և Հունաստանի առաջնորդ գերաշնորհ Ս. Ոսկան եպս. Գալիսաքյանը:

Բացման նիստին ներկա եղավ և ժողովականներին ողջունեց Նորին Սուրբ Օծություն Ս. Ս. Վազգեն Ա. Ամենայն Հայոց կաթողիկոսը: Վեհափառ Հայրապետն իր ողջույնի խոսքում ասաց.

«Խաղաղություն ընդ ձեզ:

Ես շատ երջանիկ եմ այսօր գտնվելու ձեր մեջ և բերելու ձեզ ամենքիդ Մեր սիրո ողջույնը: Պրագան կենտրոն ունեցող Քրիստոնեական Եկեղեցիների Համաժողովը բազում տարիներից ի վեր նշանակալից աշխատանք է ծավալում: Եվ այդ աշխատանքի ճանապարհին, ահա դուք հավաքվել եք այստեղ՝ լուծելու համար ձեր առջև դրված հարցերը:

Մեր օրերին համայն աշխարհը տագնապալի վիճակի մեջ է գտնվում: Երկրագնդի վրա բազմաթիվ շրջաններ կան, որոնք այդ տագնապալի վի-



Բրիտանական իստադիայում Համաժողովի հավաքի մասնակցները հոգևոր հետաքննիչի առջև

ճակն են արտահայտում: Տազնապալի շրջաններից մեկը Մերձավոր Արև-վելքն է: Հայտնի է բոլորիդ և ամբողջ աշխարհին, որ այդ շրջանը երկար տարիներից ի վեր փոթորկալի կացության մեջ է գտնվում և կարելի է վրաստահությամբ ասել, թե աշխարհի խաղաղության պահպանման գործում կարևոր միջոցառում կլինի բոլորիս համար՝ Մերձավոր Արևելքի շրջանում տազնապալի վիճակի վերացումը կամ գոնե մեղմացումը:

Եթե պետք է մտածենք ընդհանուր աշխարհի խաղաղության ապահովման ճանհին, անհրաժեշտ է մտածել նաև այդ շրջանի կացության բար-վորման ճանհին: Նույնիսկ կարծողներ կան, որ Մերձավոր Արևելքի կացու-թյան ավելի սրումը, վատթարացումը, կարող է հենց միայն ինքը, այդ շր-ջանը, պատճառ դառնալ համաշխարհային մի բռնկման:

Ահա թե ինչու Մերձավոր Արևելքի հարցերով զբաղվել, կենսական աշխատել հոգուտ աշխարհի խաղաղության ամրապնդման: Կարծում ենք, որ քրիստոնյա Եկեղեցիներս, որոնց ներկայացուցիչներն եք դուք, ծանր լուսնոգված պետք է լինենք Մերձավոր Արևելքի խաղաղեցման, այդ շր-ջանի ժողովուրդների համերաշխության հարցով, պաղեստինյան արդար հարցի լուծումով:

Մենք, իբրև քրիստոնյաներ և քրիստոնյա Եկեղեցիներ, չենք կարող ջնջումել, թե որևէ հարց չի Լաբոլ խաղաղությամբ լուծվել: Մենք մերժում ենք տազնապալի կացությունները պատերազմի միջոցով լուծելու գաղա-փարը:

Բավական է ինչքան մեր երկրագունդը դարեր շարունակ տառապեց պատերազմական գործողությունների հետևանքով: Բավական է այն, ինչ որ դեռևս կառարվում է այսօր մեր աչքի առջև աշխարհի տարրեր շը-ջաններում, երբ ճարդկային արշունը հոսում է առատորեն:

Ես իմ մտքերն եմ արտահայտում ոչ միայն իբրև քրիստոնեական Եկե-ղեցու պառաւխախառու ներկայացուցիչ, այլ նաև իբրև հայ ժողովրդի մեկ զավակը: Մեր հայկական Եկեղեցին, հայ ժողովուրդը դարեր շարունակ նահատակվել է այլ բռնատիրական պետությունների պատերազմների հե-տևանքով, մեր հայրենի հողի վրա: Հատկապես մենք չենք կարող մոռա-նալ առաջին համաշխարհային պատերազմը, որի ընթացքում ամբողջ արև-մլ տահայաւստանի բնակչությունը՝ շուրջ երկու միլիոն հայեր, կոտորվեցին Օսման ան կաւրության ձեռքով: Մի կոտորած, որը հանդիսացավ մեր դա-րի առաջին ցեղասպանությունը: Ահավասիկ արդյունքները, հետևանքները պատերազմների:

Ահա թե ինչու ես իմ ողջ գիտակցությամբ մաղթում եմ, որ ձեր աշխա-տանքները հաջողությամբ առաջ ընթանան այստեղ, և դուք կարողանաք ձեր նպատաը բերել Մերձավոր Արևելքի՝ այդ խռովահույզ շրջանի խաղա-ղեցման խնդրին:

Թող Աստված մնա ձեզ օգնական և մարտակից:

Այստեղ՝ գաղվում ենք Հայաստանյայց Եկեղեցու կենտրոնում՝ Սուրբ Էջմիածնում:

Թույլ տվեք ձեզ փոխանցել այս սուրբ տաճարից, Ս. Էջմիածնից Աս-տուծո օրհնությունը: Ամենք:

Ապա ժողովը ընտրեց նախագահություն և խմբագրական հանձնաժո-ղով: Ժողովի բոլոր նիստերին նախագահ ընտրվեց գերաշնորհ Տ. Ներսես արքայա. Պողապալյանը:

Երկրորդ միտքին, հանուն Հայաստանյայց Առաքելական Եկեղեցու, զեկուցումով հանդես եկավ Ներսես սրբազանը՝ նյութ ունենալով «Ուղիներ և միջոցներ՝ Մերձավոր Արևելքում խաղաղության և արդարության համար»։ Սրբազան հայրը հանգամանորեն վերլուծեց Մերձավոր Արևելքի իրավիճակը և կոչ արեց ուժերը միավորել՝ կողմերի միջև անհապաղ խաղաղության հասնելու համար՝ փոխադարձ հարգանքի վրա հիմնված բանակցություններով։ Անդրադարձավ նաև այդ շրջանի հայության կյանքին և հատկապես ընդգծեց Վեհափառ Հայրապետի կոչերը Մերձավոր Արևելքի հայությանը՝ մնալու խաղաղության դիրքերում։ Սրբազան հոր զեկուցումը լուսվեց մեծ հետաքրքրությամբ։

Հաջորդ միտքերին զեկուցողները անդրադարձան Մերձավոր Արևելքի զանազան խնդիրներին՝ հիմնականում շեշտը դնելով պաղեստինցի ժողովրդի արդար դատի շուտափույթ լուծման անհրաժեշտության վրա բանակցությունների և փոխըմբռնման ճանապարհով, հատկապես մատնանշեցին ՔԽՀ-ի դերն ու ջանքերը՝ կողմերի միջև խաղաղ հաշտության հասնելու համար։

Ժողովը ընդունեց երկու փաստաթուղթ, համատեղ Հաղորդագրություն և Հանձնարարականներ ՔԽՀ-ի Գործադիր Կոմիտեին։ Առաջին փաստաթուղթը ունի նկարագրական բնույթ, որտեղ արտացոլվել են ժողովի ընթացքը և զեկուցումների հիմնական դրույթները։ Երկրորդ փաստաթուղթը բովանդակում է հետևյալ հիմնահարցերը. ա. Մերձավոր Արևելքին նվիրված միջազգային համաժողովի գումարում, բ. 1989 թվականը ՄԱԿ-ի կողմից Պաղեստինի Տարի հայտարարելու մասին, գ. Քրիստոնեական Խաղաղության Համաժողովի կողմից պատգամավորություն ուղարկել Մերձավոր Արևելք, դ. Կիպրոսի հարցը, ե. Իրան-Իրաք պատերազմը, և զ. Հայկական ցեղասպանությունը, որտեղ ասվում է. «Ժողովի մասնակիցները հաստատեցին, որ հայ ժողովրդի մի մասը ապրում է Սովետական Հայաստանում խաղաղ և ապահով։ Նրանք անդրադարձան նաև այն փաստին, որ 20-րդ դարում առաջին մեծագույն ոճիրը մարդկության դեմ հայ ժողովրդի ցեղասպանությունն էր, իրականացված օսմանյան Թուրքիայի կողմից առաջին համաշխարհային պատերազմի ժամանակ, 1915—1916 թվականներին, երբ հայ ժողովուրդը արտաքսվեց իր սեփական երկրից, և նրանց ավելի քան մեկ ու կես միլիոնը բնաջնջվեց։ Վերապրողները ապաստան գտան նաև Մերձավոր Արևելքի հյուրընկալ արաբական երկրներում։ Ժողովը հանձնարարում է, որ Գործադիր Կոմիտեն կոչ անի ներկա թուրքական կառավարությանը՝ լսելու արդարության ձայնը և ընդունելու, որ ցեղասպանությունը տեղի է ունեցել, այդպիսով ուղի հարթելով հայ ժողովրդի դեմ գործված ոճիրի միջազգային ճանաչման։ Մասնակիցները նշում են նաև, որ այդպիսի ոճիրի դատապարտման ժխտումը դուռ բացեց նման ոճիրների իրականացման»։

Հունիսի 14-ին ժողովի բոլոր մասնակիցները ներկա եղան սրբազան պատարագին, համատեղ աղոթքով խաղաղություն հայցելու աշխարհին և հատկապես Մերձավոր Արևելքի շրջանին։ Օրվա պատարագին էր գերաշնորհ Ոսկան եպս. Գալփաքյանը, որը հավուր պատշաճի քարոզ խոսեց և ասաց.

«Եւ ասաց Աստուած. արասցուք մարդ ըստ պատկերի մերում և ըստ նմանութեան.. Եւ արար Աստուած մարդն ըստ պատկերի իւրում»։

Ահա Ծննդոց գրքի խոսքերը, որոնք վերաբերում են մարդու ստեղծագործության, թե ինչպես ինքը՝ Աստված տիեզերքը վեց օրերի ընթացքում կատարելության՝ գերագույն գեղեցկության և գերագույն բարության հասցնելուց հետո, ստեղծեց մարդը, որպեսզի տիրի, իշխի ու վայելի աշխարհը: Ինչպես գիտենք նույնպես Ծննդոց գրքից, Աստված ամբողջ բարությունը մարդուն հանձնելուց հետո զգուշացրեց նախամարդուն՝ Ադամին, հեռու մնալ չարի և բարու ծառից, չճաշակել նրա պտուղը: Բայց մարդու ձգտումը Աստծուն հասնելու և աստանայի խաբկանքները պատճառ դարձան, որ մարդը չհնազանդվի Աստուծո հրահանգին և ճանաչի բարու կողքին նաև չարը: Երբ Ադամն ու Եվան ճանաչեցին նաև չարը և արտաքսվեցին դրախտից, մարդու երանությունը փոխվեց չարչարանքի և աղետի: Բոլոր ժամանակներում կատարված բոլոր աղետներից ամենամեծը այն էր, որ մարդը ճանաչեց չարը. սա մեծագույն աղետն է տիեզերքի մեջ, որն իր նմանը չունի, քանի որ նա է մայրը բոլոր աղետների: Եվ ահա սկսեց մարդու համար բարու և չարի պայքարը այս աշխարհի վրա: Եվ մենք ամենայն հստակությամբ տեսնում ենք Ադամի և Եվայի որդիների՝ Կայենի և Աբելի մեջ, թե ինչպես Կայենը սպանեց իր բարի և աստվածահաճո եղբորը: Կործեք մարդը դարձավ փորձանոթ բարու և չարի: Մարդը ճանաչեց չարը, և չարը դարձավ տիրող և իշխող, զորավոր և ամենակարող: Այսպես շարունակվեց և շարունակվում է մինչև այսօր պայքարը բարու և չարի միջև: Բայց մենք՝ այսօրվա մարդիկ, ունենք հնարավորությունը առավել ճանաչելու բարին և գործելու բարու հետ, որովհետև, ինչպես շարականագիրն է ասում, երբ առաջին Ադամը մեղք գործելով մերկացավ ու վտարվեց դրախտից, երկրորդ Ադամը, փրկելու համար աշխարհը, եկավ կորուսյալներին այցելության: Հիսուս երկրորդ Ադամն էր, որ եկավ, որպեսզի կարողանա ճգնել չարի գլուխը և աշխարհում ստեղծել երկնքի թագավորությունը, որ ուրիշ բան չէ, եթե ոչ բարու հաղթանակը չարի դեմ: Այսօր, երբ մենք հավատացյալներն ենք և հավատավորներն ենք այն մեծ ճշմարտության, որ Քրիստոսի Հարությունն է, թույլատու չէ և ոչ էլ թույլատրելի, որ մենք, այնպես, ինչպես Ադամի որդիները, իրար սպանենք և դառնանք Կայեն, որ պատասխանեց Աստծուն և ասաց՝ ես իմ եղբոր տերը չեմ: Քրիստոնյա մարդը՝ իր Տիրոջ ճշմարիտ որդին, պետք է տեր լինի իր եղբորը: Բայց եթե նա հետևի Կայենին, ուրեմն ինքն իսկ վտարում է իրենից Աստծու հոգին և դառնում մարդասպան: Միայն մարմնական սպանությունը չէ, որ մարդասպանություն պետք է համարել: Չէ՞ որ Պողոս առաքյալն ասում է. «Հոգի Աստուծոյ բնակեալ է ի ձեզ և դուք Աստուծոյ տաճար էք». հետևաբար՝ մարդ եթե հետևի Կայենին՝ փառամոլությամբ, ամբարտաւանությամբ, չարախոսությամբ ապրի, չի՞ սպանի Աստուծո հոգին, որ իր մեջ է:

Այսօր մենք բարու հաղթանակի համար ենք աղոթում, որպեսզի աշխարհի վրա բարին հաղթանակի, և կայեններ տեղ չունենան երկրում: Ժիշտ այդ պատճառով է, որ աշխարհի քրիստոնյա եկեղեցիները անում են իրենց ամենակարելին վասն խաղաղության: Եվ պատահական չէ, սիրելիներ, որ այսօր Մայր Աթոռ Ս. Էջմիածնում է տեղի ունենում Քրիստոնեական Խաղաղության Համաժողովի Մերձավոր Արևելքի հանձնախմբի ժողովը: Հյուրեր, ժողովականներ, որոնք եկել են հեռավոր Միացյալ Նահանգներից, Արևելյան և Արևմտյան Գերմանիաներից, Ռումինիայից, Բուլղարիայից, Հունաստանից, Չեխոսլովակիայից, արաբական երկրներից, նրանք հավաք-

վել են միասին՝ խոսելու, որոնելու համար միջոցը՝ Մերձավոր Արևելքում խաղաղության համար: Այո, մարդիկ, որոնք փորձում են հեռացնել աշխարհից կաշեմներին, որպեսզի աշխարհի մեջ տիրակալի բարին, աշխիքն՝ խաղաղությունը: Մենք ողջունում ենք նրանց այս սուրբ կամարների տակ և աղոթում նրանց գործի հաջողության համար, հաջողություն բարո՛ւ ընդդեմ չարի, խաղաղության՝ ընդդեմ պատերազմի: Մենք ողջունում ենք նրանց այս հարկի տակ, որտեղ դարեր շարունակ Հայ Եկեղեցին երգել և պաղատել է խաղաղություն:

Երբեք հավատացյալներ, խնդրում ենք բոլորիցդ, որ աղոթեք վասն խաղաղության ամենայն աշխարհի, որպեսզի մարդիկ, հեռացած կաշեմական ձգտումներից, ապրեն բարությամբ, արդարությամբ, աստվածահաճուկյանքով և վերագտնեն Աստուծո պատկերն ու նմանությունը ըստ արարչագործության, ամեն:

Նույն օրը ժողովի մասնակիցները այցելեցին դարավոր Ա. Գեղարդա վանք, հիացան հայ հանճարի ժայռափոր կերտվածքով, ապա գնացին Սեվան՝ զմայլվելու Հայաստանի գոհարի գեղեցկությամբ:

Հունիսի 15-ին, երեկոյան, ժողովի մասնակիցների պատվին պաշտոնական ճաշկերույթ տվեց Հայկական ՍՍՀ Մինիստրների խորհրդին առընթեր Հայ Եկեղեցու գործերի խորհուրդը: Գաշկերույթին ներկա էին Նորին Սուրբ Օծություն S. S. Վազգեն Ա Ամենայն Հայոց Հայրապետը՝ եպիսկոպոսաց դատով, Խորհրդի նախագահ տիար Ա. Վարդանյանը՝ իր տեղակալների՝ տիար Ա. Հասրաթյանի և Ռ. Զարգարյանի ուղեկցությամբ, Գերագույն Հոգևոր Խորհրդի անդամներն ու ժողովի մասնակիցները: Տիար Ստեփան Վարդանյանը, ողջունելով ժողովի մասնակիցներին, խոսեց ժողովի նպատակների կարևորության, ՔԽՀ-ի մարդասիրական գործունեության մասին, Մայր Աթոռ Ս. Էջմիածնի փառավոր անցյալի և ծաղկուն ներկալի մասին՝ Եղեռնից վերապրած հայ ժողովրդի բարգավաճ Հայրենիքի և ամուր պետականության պայմաններում, Ամենայն Հայոց կաթողիկոսի խաղաղասիրական գործունեության և Սովետական Միության՝ զինաթափման և աշխարհը միջուկազերծ դարձնելու հետևողական ջանքերի մասին: Հյուրընկալության, ժողովը անցկացնելու հարմարավետ պայմաններ ստեղծելու և բոլոր տեսակի աջակցությունների համար, ինչպես նաև իրենց մատուցված պատվի համար շնորհակալության խոսքով հանդես եկան ժողովի բազմաթիվ մասնակիցներ:

Վերջում օրհնության խոսք ասաց Վեհափառ Հայրապետը.

«Սիրեցյալ եղբայրներ և բարեկամներ, ի՞նչ համար երջանկություն է ողջունել Մերձավոր Արևելքի հանձնաժողովի աշխատանքի ավարտը: Հոգեպես զոհ եմ, որ այդ ավարտը ընդգծվում է այստեղ այս պահին, այս ճաշի սեղանի շուրջ, ուր մեզ հրավիրել է մեր պետության ներկայացուցիչ տիար Ստեփան Վարդանյանը՝ տնօրեն Սովետական Հայաստանի կրոնից գործերի: Ես կուզեի Մայր Աթոռիս անունով շնորհակալություն հայտնել պրն. Վարդանյանին: Այս պարագան մի անգամ ևս ընդգծում է այն անկեղծ, բարյացակամ վերաբերմունքը, որ մեր՝ Սովետական Հայաստանի իշխանությունը ունի դեպի մեր Եկեղեցին և դեպի մեր եկեղեցական գործունեությունը: Մենք այդ բարյացակամ վերաբերմունքը վայելում ենք տևապես, անշուշտ նաև խաղաղության պայքարի գծով, որովհետև հայտնի է

աշխարհով մեկ, թե Սովետական Միությունը իր ամենաբարձր մակարդակից սկսած երկար տարիներից ի վեր խաղաղության դրոշի պաշտպան է հանդիսանում: Այս իրողությունը մեզ քրիստոնյաներիս համար հոգեկան մխիթարություն է: Ես երբեմն մտածում եմ, եթե այդպես չլինեք մեր պետության տրամադրությունը, ինչքան դժվար պետք է լինեք մեր՝ քրիստոնյաներիս համար այստեղ խաղաղության համար աղոթել, գործել ու աշխատել:

Այս հանձնաժողովի աշխատանքների առիթով, ես ուրախությունը ունեցա հանդիպելու բազմաթիվ երկրներից եկած ներկայացուցիչներին: Ես զգացի, այո, որ բոլորի սրտից բխում էին բարի զգացմունքներ դեպի մեր Եկեղեցին և դեպի իմ համեստ անձը: Ծնորհակալ եմ բոլորից: Հատկապես ուզում եմ շեշտել այն եղբայրական ողջույնի խոսքը, որը բերեց Ռումեն Եկեղեցու ներկայացուցիչ՝ հայր պրոֆեսոր Աբրուդան Գիմիտրուն, Նորին Սրբություն Ռումինիայի Պատրիարք Թեոկտիստի կողմից, մի ողջույն, որն իմ սրտիս բացառիկ ջերմությամբ է խոսում, որովհետև ես կարևոր չափով Ռումինացի եմ, և Ռումեն լեզուն իմ մայրենի լեզուն է գրեթե: Եվ, մասնավորապես, Թեոկտիստ սրբազան Պատրիարքի հետ եղբայրական զգացումներով կապված եմ այն օրերից, երբ ես Ռումինիայում էի գործում: Վստահ եմ, որ պրոֆեսոր տեր հայրը, իմ այս զգացումների թարգմանը պիտի հանդիսանա այնտեղ: Նույնպես խորապես տպավորվեցի Դոմենտիան եպիսկոպոսի միջոցով ընդունելով Բուդապեշտի Պրավոսլավ Եկեղեցու Մաքսիմ Սրբազան Պատրիարքի ողջույնները, որի հետ անձնապես վաղուց բարեկամական կապերով կապված եմ: Եվ Բուդապեշտում էլ նույնպես ինձ համար հարազատ երկիր է: Ծնորհակալություն այս ողջույնների համար: Եվ վերջապես ուզում եմ իմ շնորհակալությունս հայտնել դոկտոր Գերհարդ Բասարակին և հայր Գոնչարովին, որոնք Պրագայից են գալիս և, որոնք բերեցին ինձ դոկտ. Կարոլի Տոթ նախագահի և ընդհանուր քարտուղար հայր Միրեծովսկու ողջույնները: Ողջույններ ընդունեցի նաև սրբազան միտրոպոլիտ Ֆիլարետի կողմից: Այս ողջույններն ու բարեմաղթությունները ինձ ոգեշնչում են և զորացնում իմ աշխատանքի ճանապարհի վրա:

Ես ուրախությամբ լսեցի, որ շուտով պիտի նշվի երեսուն տարիների վաստակը Պրագայի Քրիստոնեական Եկեղեցիների Համաժողովի: Մեր սրտին մոտ է այս տարեդարձը, որովհետև հենց սկզբից, առաջին օրերից Հայ Եկեղեցին Ռուս Պրավոսլավ Եկեղեցու և Վրացական Օրթոդոքս Եկեղեցու հետ միասին գործակցաբար մասնակցել է նրա ստեղծման ու կազմակերպման գործին: Այս կազմակերպության աշխատանքի արդյունքները երեսուն տարիների ընթացքում, իմ կարծիքով, շոշափելի են, գնահատելի և արածնի մեր հարգանքին: Նա հանդիսանում է խաղաղության և արդարության ջանքերից մեկը միջազգային հորիզոնի վրա: Հարց եղավ այստեղ, թե մեր աղոթքներով, մեր ժողովական որոշումներով լարդոք պիտի կարողանա՞նք մեր խոսքը հասցնել պետությանց ղեկավարներին, տեղից շարժելու և ապահովելու համար խաղաղության գործի հաղթանակը: Ես կարծում եմ, որ անմիջական, դրական, վերջնական արդյունքի հավանաբար չենք հասնելու շուտով, բայց վստահ եմ, թե ձեր աշխատանքը կարևոր նպաստ է՝ խաղաղության և արդարության հաղթանակի համար: Համենայն դեպս ՔԽՀ-ի ձայնը քրիստոնեական խղճի և մարդասիրության ձայնն է: Քրիստոնյաներիս համար խաղաղությունը պարզապես վերացական մի գաղափար չէ, այլ քրիստոնեական ապրում, որ բխում է մեր ավետարանական

առաքելությունից: Կարծում եմ, որ մենք բոլորս տոգորված ենք սիրով դեպի բոլոր մարդիկ և դեպի բոլոր ժողովուրդները անխտիր: Մեզ համար թշնամի ժողովուրդներ չկան, որովհետև վստահ ենք, թե բոլոր ժողովուրդների լայն զանգվածները խաղաղության, արդարության և ազատության ճանապարհով են ուզում ապրել:


Քանի որ վերջին պահն է, ես կրկին իմ գոհունակությունն եմ հայտնում ձեր կատարած աշխատանքի համար: Վստահ եմ, որ ձեր աշխատանքը ինչ-որ մի տեղ պիտի արձանագրվի հարգանքով, գնահատանքով, պաղեստինյան արդար գործին ի նպաստ:

Թող Աստված մեզ և ձեզ բոլորիդ առաջնորդի դեպի նավահանգիստը խաղաղության: Բարի ճանապարհ:

Ս. Էջմիածնից և իմ սրտից տարեք օրհնությունն:

Հաջորդ օրը, հունիսի 16-ին, ժողովի մասնակիցները հրաժեշտ տվեցին Մայր Աթոռ Ս. Էջմիածնին՝ մեկնելու համար իրենց երկրները, այն հավատքով, որ կատարեցին մարդասիրական գործ, և այն հույսով, որ իրենց ջանքերը կարդյունավորվեն՝ խաղաղություն բերելով Մերձավոր Արևելքին:

Ե. ՄԵԼՔՈՆՅԱՆ





ԱՐԵՂԱՅԱԿԱՆ ՋԵՌՆԱԴՐՈՒԹՅՈՒՆ ՄԱՅՐ ԱԹՈՌ Ս. ԷԶՄԻԱԾՆՈՒՄ

Պայծառ առավոտ էր: Հայաստանի հու-
նիսյան բարկ արևով ողողված առավոտ:
Մայր տաճարի կամարների տակ արևի
լույսը ընդլուզված էր խունկի բուրմունքին
և Հոգեգալստյան սրբազան պատարագի
հոգեպարար աղոթքին:

Խորանի առջև ծունկի էին եկել Ս. Էջ-
միածնի հոգևոր ճեմարանի 1985 և 1986
տարիների հինգ շրջանավարտներ, բոլորն
էլ Հայաստանի արևով սնված. Հայկ արկ.
Չուլջյան, Ռոբերտ արկ. Ադամյան, Սամվել
արկ. Կնոյան, Ռազմիկ արկ. Իսախանյան
և Գևորգ արկ. Մկրտչյան: Բոլորն էլ հա-
ջողությամբ պաշտպանել էին իրենց ավար-
տաճառերը՝ ապացուցելով ինքնուրույն գի-
տական աշխատանք կատարելու իրենց
կարողությունը:

Եվ Նորին Սուրբ Օծություն Ս. Ս. Վազ-
գեն Ա Վեհափառ Հայրապետը, գնահա-
տելով ասրկավագների իմացական պատ-
րաստականությունն ու պատրաստակամու-
թյունը՝ իրենք իրենց ընծայելու Հայ Եկեղե-
ցու ծառայության, ընդառաջեց նրանց
խնդրանքին՝ դառնալու կուսակրոն քահա-
նաներ:

Ջեռնադրությունը, ըստ Հայ Եկեղեցու
կանոնի, կատարեց օրվա պատարագիչ,
Մայր Աթոռի դիվանապետ Ս. Ներսես
արքեպս. Պողոսյանը և նորընծաներին


անվանադրեց. Հայկին՝ Սեպուհ, Ռոբեր-
տին՝ Սիոն, Սամվելին՝ Նավասարդ, Ռազ-
միկին՝ Սերովբե, և Գևորգին՝ Աբրահամ:
Պատարագիչ սրբազանը ոգեշունչ քարո-
զով հույս և հաստատակամություն հայտ-
նեց, որ նորընծաները միշտ կմնան իրենց
կոչումի քարճրության վրա և այսօր, Ս. Հո-
գու շնորհներով հարստացած, իրենց կյան-
քը կնվիրաբերեն հայ ժողովրդին, Հայ Ա-
ռաքելական Եկեղեցուն և նրա դարավոր
կենտրոն Մայր Աթոռ Ս. Էջմիածնին:

Պատարագիչ սրբազանն ասաց.

««Յանուն Հօր և Որդւոյ և Հոգւոյն Սրբ-
բոյ, ամէն»:

«Եւ հերկեա զքանական անդաստան
մարմնեղէն կարծրացեալ սրտիս»:

Այսօր, սիրելի հավատացյալ ժողովուրդ,
Հոգեգալստյան տոնն է: Սրանից հիսուն
օր առաջ քրիստոնեական բոլոր Եկեղեցի-
ները միասնաբար տոնակատարեցին Քրիս-
տոսի հրաշափառ Հարության տոնը: Աղ-
օրվանից անցել են հիսուն օրեր: Մեր Տե-
րը՝ Հիսուս Քրիստոս, իր հրաշալի Հարու-
թյունից հետո Իր աշակերտների մեջ հայտ-
նվեց Վերնատան մեջ և նույնիսկ նրան-
ցից ամենակասկածալորին՝ Թովմասին,
ցուց տվեց իր կողը և իր ափերը՝ վստա-
հեցնելու համար նրան, որ իսկապես ինքը
չարչարված, խաչված, թաղված Հիսուսն



Մի անգամ ձևափոխված իրավունքի խմբի անդամները

է, որ Հարություն է առել: Այս գեղեցիկ հարության հիշատակի օրվանից ահավասիկ հիսուն օրեր անցան: Քրիստոս եղավ իր աշակերտների հետ, նրանց հետ մասնակցեց նույնիսկ ձկնորսության և սրանից տալով օր առաջ համբարձման լեռան վրա իր աշակերտներին վերջին իր պատգամները տվեց. Գնացեք, ուսուցեք ամբողջ աշխարհին, դարձի բերեք անհավատներին, մկրտեցեք նրանց հանուն Հոր և Որդւի և Հոգւոյն Սրբո աւելով: Եվ ապա համբարձավ երկինք, և իր աշակերտները զրկվեցին նրա տեսությունից: Բայց իր Համբարձումից առաջ նա պատվեր է տվել, որ ըստ սովորության իր աշակերտները հավաքվեին Վերնատան մեջ և այնտեղ սուրբ պատարագ մատուցեին, հացը կըտրեին և ուտեին և գինին ըմպեին, որպեսզի հիշեին նրան վերջին ընթրիքի պահին, ուր Քրիստոս ասաց, թե այս հացը իմ մարմինն է և այս գինին իմ արյունն է, և կատարեցեք այս՝ ամեն անգամ հիշելով ինձ ձեր մեջ: Քրիստոսի աշակերտները Համբարձումից հետո Վերնատան մեջ նույն հավատքով, նույն համոզումով, նույն տեսիլքով և նույն սպասումներով աղոթում էին: Մոտեցել էր հրեաների Պենտեկոստեի տոնը: Եվ այդ օրը հանկարծ, առավոտ կանուխ, զարմանալի մի ձայն լսվեց Երուսաղեմ քաղաքում, մի հզոր դրոշմում: Ամեն մարդ զարմացավ, թե ինչ պիտի տեղի ունենա: Այդ պահին երկնքից Սուրբ Հոգին իջավ Վերնատան մեջ, հրեղեն լեզվի կերպարանքով, և հանգչեց առաքյալների և բոլոր աշակերտների վրա: Նրանք սկսեցին խոսել իրենց չիմացած լեզուներով: Նրանք սկսեցին բարբառել այն լեզուներով, որ երբեք հավանաբար չէին լսել: Եվ այդ օրերին Երուսաղեմ ուխտի եկած հրեա և օտար ուխտավորներ, երբ լսում էին, որ առաքյալները բարբառում են իրենց լեզուներով, զարմացած ասում էին. Այս Գալիլացի ձկնորսները ո՞րտեղից են լսել և սովորել մեր ցեղական լեզուները: Նրանք խոսում էին այն օր նույնիսկ հայերեն լեզվով: Եվ մարդիկ, որովհետև միշտ կասկածամիտ են, սկսեցին ասել, թե հավանաբար Հիսուսի աշակերտները հարբած էին: Պետրոս առաքյալն ասաց. Այս բարբառումը, այս խորությունը, այս կարողությունը Սուրբ Հոգու միջոցով Պենտեկոստեի օրը իջավ մեզ վրա՝ զորացնելով մեզ, վերանորոգելով մեզ և մեր բոլոր նպատակներին ուղղություն տալով:

Սիրելի հավատացյալներ, Սուրբ Հոգու իջման հիշատակի օրն է այսօր: Մենք ինչքան ուրախ ենք, որ Սուրբ Էջմիածնի այս

դարավոր կամարների տակ դուք բոլորդ հավաքվել եք հավանաբար աշխարհի տարբեր երկրներից: Մենք շատ ու շատ երջանիկ ենք այսօր, որ մեր մեջ հյուրաբար գտնվում է Հոգեգալստյան տոնի այս սրբազան օրը, Ամսիոքի և համայն Արևելքի Հույն Կաթոլիկ Եկեղեցու Պատրիարք Մաքսիմոս Հինգերորդը իր ջբախմբով: Ինչպես նաև շատ երջանիկ ենք, որ մեր մեջ են տեր և տիկին դեսպանը Ֆրանսիայի՝ այս սրբազան տոնի առթիվ, ինչպես նաև այն քառասունհինգ ուխտավորները, որոնք եկան Սրբազան Պատրիարքի հետ Սուրբ Էջմիածին աջօր՝ իրենց ուխտը կատարելու, և բազմաթիվ հայ եղբայրներ և քույրեր իրանականից, Արգենտինականից ու Բելգիայից, Եվրոպայի զանազան քաղաքներից: Այսօր ձեր ներկայությամբ և ձեր վկայությամբ Սուրբ Էջմիածնի այս կամարների տակ Վեհափառ Հայրապետի հրամանով մենք ձեռնադրեցինք հինգ հոգևոր եղբայրներ մեզ համար: Նրանք Սուրբ Հոգու զորությամբ այսօր լցվեցին, և նրանց վրա իջավ աստվածային և երկնային անապատ շնորհը, նրանց հոգին գեղեցկացնելու, նրանց տալու համար քահանայության ծառայության տեսիլքը և ուժը, որպեսզի նրանք հավատարմորեն, անկեղծ կերպով, սրտանց ծառայեն Հայաստանյայց Սուրբ Եկեղեցուն, իրենց Աստծու կողմից պարգևաված երկար տարիների ընթացքում: Միասնաբար, սիրելի հավատացյալներ, աղոթենք, որ Սուրբ Հոգին ներգործի նրանց վրա, ուժ և կարողություն պարգևի նրանց՝ նրանց ապագա կյանքի ընթացքին:

Սիրելի հավատացյալներ, Հոգեգալուստի տոնը տոն է հավատացյալ քրիստոնյայի, որովհետև Սուրբ Հոգին Հոգեգալստյան տոնի առթիվ բաշխում է մարդկանց երկնավոր առատ շնորհներ, նրանց գեղեցկացնում է, պայծառացնում է, նրանց տալիս է կյանքի նպատակ և ճանապարհ: Եվ այս օրերին, աշխարհի տակնուվրա և փոթորկուն այս շրջանին, ինչքան անհրաժեշտ է, որ մենք ստանանք Սուրբ Հոգու շնորհները՝ սիրելու իրար, խաղաղություն բերելու աշխարհին, եղբայրսիրություն տարածելու, էկումենիկ հոգիով լցվելու, իրար սիրելու և հարգելու, և հավասար, որպես եղբայրներ իրար զգալու, ինչքան կարևոր է, որ աշխարհը հանդարտվի, խաղաղվի Աստուծո կամքով և զորությամբ:

Քիչ առաջ իբրև բնաբան ընտրած էի Սուրբ Գրիգոր Նարեկացու՝ մեր Եկեղեցու մեծ բանաստեղծ և սրբազան աղոթող Գրիգոր Նարեկացու բառերը, խնդրելով և

կրկնելով. Հերկիր, ով Տեր, իմ արտի բանական անդաստանները, և այնտեղ ցանկիր այն շնորհները, որ Դու տալիս ես: Այդ շնորհները թող ծաղկեն, պտղաբերվեն, ծաղկեն մեր կյանքի ընթացքում: Թող Սուրբ Հոգու շնորհները մեր վրայից անպակաս լինեն և մեզ բարեգարդեն, այժմ և հավիտյան հավիտենից, ամեն»:

Նույն օրը, երեկոյան, սրբազան հայրը կատարեց ման վեղարի տվչության արարողությունը:

Սրբազան պատարագին մերկա էին Ամենայն Հայոց Հայրապետ Վազգեն Ա. կա-


թողիկոսը և հյուրաբար Մայր Աթոռ ժամանած Արևելքի Հույն Կաթոլիկ Եկեղեցու պետ Ամենապատիվ Մաքսիմոս Ե Պատրիարքը:

Պատարագին մերկա էր ման Խորհրդային Միությունում Ֆրանսիայի դեսպան տիար Իվ Պանիեզը՝ իր տիկնոջ հետ:

Բազմաթիվ սիրուքահայեր մույնպես ապրեցին ձեռնադրության և պատարագի հոգևոր բերկրանքը:

ԹՂԹԱԿԻՑ





Տ. ՍԵՊՈՒՀ ԱԲԵՂԱ ՉՈՒԼՋՅԱՆ

Ծնվել է 1959 թ. մարտի 24-ին, Թուրքիայի Մալաթիա քաղաքում:

Նախնական կրթությունն ստացել է Կ. Պոլսի Ներսիսյան վարժարանում:

1969 թ. ընտանիքով հայրենադարձվել է Հայաստան և բնակություն հաստատել Լեւոնական քաղաքում, որտեղ շարունակել է միջնակարգ կրթությունը:

1974 թ. ընդունվել է Լեւոնականի երկաթուղային տեխնիկում:

1978 թ. ընդունվել է Մայր Աթոռ Ս. Էջմիածնի հոգևոր ճեմարան:


1979 թ. զորակոչվել է սովետական բանակ և զորացրվելուց հետո շարունակել ուսումը հոգևոր ճեմարանում:

1985 թ. դեկտեմբերին սարկավագ է ձեռնադրվել՝ ձեռամբ Տ. Հուսիկ արքեպս. Սանթրյանի:

1986 թ. մարտին պաշտպանել է ավարտաճառ՝ «Ղուկաս Խարբերդացու թարգմանչական գործունեությունը» թեմայով և արժանացել բավարար գնահատականի:

Հետ ձեռնադրության շարունակում է աշխատանքը Վեհարանում՝ որպես քարտուղար:





Տ. ՍԻՈՆ ԱԲԵՂԱ ԱԴԱՄՅԱՆ



Ծնվել է 1963 թ. սեպտեմբերի 20-ին, Իրանի Աքադան քաղաքում:


1978 թ. ընտանիքով հայրենադարձվել է Հայաստան և բնակություն հաստատել Էջմիածին քաղաքում:

1970—1980 թթ. սովորել և ավարտել է Էջմիածնի № 6 միջնակարգ դպրոցը և նույն տարում ընդունվել Մայր Աթոռ Ս. Էջմիածնի հոգևոր ճեմարան:

1985 թ. դեկտեմբերին, ձեռամբ Տ. Հուսիկ արքեպս. Սանթրույանի, ձեռնադրվել է սարկավագ:

1986 թ. մարտին պաշտպանել է ավարտաճառ՝ «Սարգիս Ծնորհալու հորդորակները» թեմայով և արժանացել լավ գնահատականի:

Հետ ձեռնադրության աշխատանքի է նշանակվել Վեհարանում որպես քարտուղար:



Տ. ՆԱՎԱՍԱՐԴ ԱԲԵՂԱ ԿԾՈՅԱՆ

Ծնվել է 1957 թ. սեպտեմբերի 18-ին,
Երևան քաղաքում:

1976 թ. սովորել և ավարտել է Երևանի
№ 32 միջնակարգ դպրոցը:


1977—79 թթ. ծառայել է սովետական
բանակում:


1981 թ. ընդունվել է Մայր Աթոռ Ս. Էջ-
միածնի հոգևոր ճեմարան:

1985 թ. դեկտեմբերին, ձեռամբ Տ. Հու-
սիկ արքեպս. Սանթրուրյանի, ձեռնադրվել
է սարկավագ:

1986 թ. մարտին ավարտաճառ է պաշտ-
պանել՝ «Հովհաննես Դամասկացին և նրա
«Բանք ընդդիմադրականք ի քակտումն
հերձուածողաց Յակոբիկ Ասորոց» թեմա-
յով և արժանացել գերագույն գնահատա-
կանի:

Հետ ձեռնադրության նշանակվել է Մայր
Աթոռի եկեղեցական արվեստի բաժնի վա-
րիչ:





Տ. ՍԵՐՈՎԱԲԵ ԱԲԵՂԱ ԻՍԱԽԱՆՅԱՆ



Ծնվել է 1963 թ. Իրանի Հազարշրիբ գյուղում:

1969 թ. ընտանիքով հայրենադարձվել է Հայաստան և բնակություն հաստատել Ասիս Հոկտեմբերյան, ապա Էջմիածին քաղաքներում:

1970—80 թթ. սովորել և ավարտել է Էջմիածին քաղաքի № 1 միջնակարգ դպրոցը և նույն թվականին ընդունվել Մայր Աթոռ Ս. Էջմիածնի հոգևոր ճեմարան:

1981—83 թթ. ծառայել է սովետական բանակում:


Զորացրվելուց հետո շարունակել է ուսումը հոգևոր ճեմարանում:

1986 թ. փետրվարին սարկավագ է ձեռնադրվել ձեռամբ Տ. Հուսիկ արքեպս. Սանթրյանի:

1986 թ. դեկտեմբերին ավարտաճառ է պաշտպանել՝ «Բարսեղ Մաշկևորցու քարոյագիտական հայացքները» թեմայով և արժանացել քաջալավ գնահատականի:

Հետ ձեռնադրության աշխատանքի է նշանակվել Մայր Աթոռի Ալեք և Մարի Մանուկյան Գանձատանը:





Տ. ԱՐՐԱՀԱՄ՝ ԱՐԵՂԱ ՄԿՐՏՅԱՆ

Ծնվել է 1961 թ. հունվարի 7-ին, Եղեգ-
նաձորի շրջանի Ռինդ գյուղում:

1968—78 թ. սովորել և ավարտել է տե-
ղի միջնակարգ դպրոցը:

1980—82 թթ. ծառայել է սովետական
բանակում:


Զորացրվելուց հետո ընդունվել է Մալր
Աթոռ Ա. Էջմիածնի հոգևոր ճեմարան:

1986 թ. փետրվարին, ձեռամբ Տ. Հուսիկ
արքեպս. Սանթրոքյանի, ձեռնադրվել է
սարկավագ:

1986 թ. դեկտեմբերին պաշտպանել է ա-
վարտաճառ՝ «Սյունյաց մետրոպոլիտոս-
թյունը Օրբելյանների ժամանակ» թեմայով
և արժանացել **գերազանց** գնահատականի:

Հետ ձեռնադրության շարունակում է
աշխատանքը «Էջմիածին» ամսագրի խմբ-
ագրությունում:





ԵԿԵՂԵՑԱԿԱՆ ԲԵՄ. ԼՈՒՐԵՐ

Հունիսի 20-ին, շաբաթ.—Սրբոյն Գրիգորի Լուսաւորչին մերոյ ելն ի Վիրապէն:

Այսօր Մայր տաճարում, Իջման ա. սեղանի վրա, օրվա մեծ տոնի առթիւ ա. պատարագ մատուցեց Տ. Միքայել քին. Կյուրեղյանը:

Հունիսի 28-ին, կիրակի.—Այսօր Մայր տաճարում, Ավագ ա. սեղանի վրա, ա. պատարագ մատուցեց Տ. Նարեկ քին. Մատարյանը:

Հունիսի 21-ին, կիրակի.—Տօն Կաթողիկէ Ս. Էջմիածնի:

Այսօր Մայր տաճարում, Ավագ ա. սեղանի վրա, օրվա մեծ տոնի առթիւ, ա. պատարագ մատուցեց Տ. Կոմիտաս վրդ. Հովնանյանը և «Հայր մեր»-ից առաջ քարոզ խոսեց՝ «Ի վերայ Աջոյն և Սրբոյ Էջմիածնի ամենայն ազգն Հայոց կապեալ կայ» (Ա. Դավրիժեցի) բնաբանով (Տես էջ 50):

Ս. պատարագին ներկա էր Վեհափառ Հայրապետը:

Հուլիսի 5-ին, կիրակի.—Այսօր Մայր տաճարում, Ավագ ա. սեղանի վրա, ա. պատարագ մատուցեց Տ. Միքայել քին. Կյուրեղյանը և «Հայր մեր»-ից առաջ քարոզ խոսեց՝ «Լերինք ամենայն այսօր ցնծացեն ընդ մեծապայծառ փառսն Սեպուհոյ գերագանց լերինն, քանզի ի մմա բնակեցաւ սուրբն Գրիգոր՝ սին լուսոյ Հայստաննայց Սուրբ Եկեղեցոյ» (Ծարական) բնաբանով:

Հունիսի 24-ին, չորեքշաբթի.—Այսօր Վեհափառում, Վեհափառ Հայրապետի նախագահությամբ, տեղի ունեցաւ հերթական միաբանական հավաքույթ:

Հուլիսի 9-ին, հինգշաբթի.—Սրբոց թարգմանչացն մերոց Սահակայ և Մեսրոպայ:

Այսօր Օջականի Ս. Մեսրոպ Մաշտոց եկեղեցում, օրվա մեծ տոնի առթիւ, ա. պատարագ մատուցեց եկեղեցու վանահայր

Տ. Մոմիկ վրդ. Սարգսյանը և հավուր
պատշաճի քարոզ խոսեց:

*
*

**Հուլիսի 12-ին, կիրակի,—Գիտ տփոյ
Սրբուհոյ Աստուածածնի:**


Այսօր Մայր տաճարում, Ավագ ա. սե-
ղանի վրա, օրվա տոնի առթիվ, ա. պա-
տարագ մատուցեց Տ. Զավեն վրդ. Խա-
չատրյանը և «Հայր մեր»-ից առաջ քարոզ
խոսեց՝ «Օրհնեալ ես դու ի կանայս, և օրհ-
նեալ է պտտոլ որովայնի քո» (Ղուկ. Ա.
42—43) բնաբանով:


*
*

**Հուլիսի 19-ին, կիրակի.—Բարեկենդան
Վարդավառի պահոց:**

Այսօր իրենց անդրանիկ պատարագնե-
րը մատուցեցին. Մայր տաճարում՝ Տ. Սե-
պուհ արդ. Չուլջյանը, Ս. Աստվածածին
եկեղեցում՝ Տ. Սիոն արդ. Ադամյանը, Ս.
Հռիփսիմե եկեղեցում՝ Տ. Նավասարդ
արդ. Կճոյանը, Երևանի առաջնորդանիստ
Ս. Սարգիս եկեղեցում՝ Տ. Մերովքե արդ.
Իսախանյանը, և Ս. Գալանե եկեղեցում՝
Տ. Աբրահամ արդ. Մկրտչյանը:

Նորընծա արեղաները պատարագի ըն-
թացքում քարոզ խոսեցին, ուր ի մասնա-
վորի ընդգծեցին իրենց պատրաստակամու-
թյունը՝ իրենց իմացությունն ու նվիրումը ի
սպաս դնելու հայ ժողովրդին և Հայաս-
տանյայց Առաքելական եկեղեցուն:





ԱՍՏՎԱԾԱԲԱՆՈՒԹՅԱՆ ԹԵԿՆԱԾՈՒԻ ԹԵԶԵՐԻ ԲԱՆԱՎՈՐ ՊԱՇՏՊԱՆՈՒԹՅՈՒՆ

Տ. Պարզև վրդ. Մարտիրոսյանը, 1984 թ. գերագանց ավարտելով Էջմիածնի հոգևոր ճեմարանը, Վեհափառ Հայրապետի օրհնությամբ և կարգադրությամբ ուղարկվեց Լեհիգրադի հոգևոր ակադեմիային կից ասպիրանտուրայում ուսանելու համար: Խորանալով Զատագովական Աստվածաբանության մեջ՝ թեզ պատրաստեց «Աստվածաճանաչումը ըստ քրիստոնեական ավանդության և ոչ քրիստոնեական խորհրդապաշտական ուսմունքների՝ Յոգայի, Թեոսոֆիայի և Անտրոպոսոֆիայի» թեմայով:

Թեզը գրելու նպատակն էր վեր հանել խորհրդապաշտական ուսմունքների մոլորվածությունը Աստվածաճանաչման և Շշմաբիտ Փրկության հարցերում՝ ցույց տալով քրիստոնեական վարդապետության ճշմարտացիությունն ու գերագանցությունը:

Թեզը քաղկացած է 161 մեքենագիր էջերից և ընդգրկում է քրիստոնեական Աստվածաճանաչումը, Աստվածգիտությունը, Աստվածտեսությունը և Յոգայի, Թեոսոֆիայի և Անտրոպոսոֆիայի ծագումն ու աստվածաճանաչման տեսությունը:

Ակադեմիայի հատուկ հանձնաժողովի քննարկումից հետո Պարզև վարդապետին թույլատրվեց հանդես գալու թեզի բանավոր պաշտպանությամբ, որը տեղի ունեցավ սույն թվականի հունիսի 20-ին, ներկայությամբ Լեհիգրադի և Էստոնիայի միտրոպոլիտ Ալեքսիի:

Հոգևոր ակադեմիայի հանձնաժողովի ո-

րոշումը հայտարարեց ակադեմիայի ղեկավար պրոֆ. Գունդարևը՝ նշելով, որ Պարզև վրդ. Մարտիրոսյանի թեզը արդիական է և խիստ անհրաժեշտ այսօրվա գործնական Հովվական Աստվածաբանության տեսակետից: Նշվեց նաև աշխատության լեզվական և գիտական բարձր մակարդակը: Աշխատանքը կարող է ծառայել իբրև ուսումնական ձեռնարկ: Պարզև վարդապետը հրավիրեց այդ հարցերի շուրջ մի շարք դասավանդություններ կարդալու: Որոշվեց նաև պատրաստել աշխատանքի 50 օրինակ՝ տարածելու համար ուսանական եկեղեցիներում: Առաջարկվեց այն հրատարակել Մոսկվայի Պատրիարքության «Հոգևորովակիչ տրոտի» հանդեսում:

Լեհիգրադի հոգևոր ակադեմիայի անունից այս առթիվ Վեհափառ Հայրապետին ուղարկվեց շնորհակալական և շնորհավորական հեռագիր, որտեղ արտահայտված էր նաև, որ այսպիսի երևույթները առավել ևս ամրապնդում են ոչ միայն Ս. Էջմիածնի և Լեհիգրադի հոգևոր դպրոցների, այլև երկու եկեղեցիների կապերը:

«Էջմիածին» ամսագրի խմբագրությունը շնորհավորում է հոգեշնորհ Պարզև վրդ. Մարտիրոսյանին՝ այս նոր ձեռքբերումի համար, հուսալով, որ այսուհետև ևս նա կշարունակի իր գիտական ուսումնասիրությունն ու հովվական գործունեությունը՝ ի փառս Մայր Աթոռ Ս. Էջմիածնի և ի շահ հայ հավատացյալ ժողովրդի:

*
*
*

Սույն թվականի մայիսի 19-ին Մոսկվայի հոգևոր ակադեմիայի արևելյան եկեղեցիների ամբիոնում աստվածաբանության թեկնածուի իր աշխատանքը պաշտպանեց Հակոբ սարկավազ Մարտիրոսյանը: Աշխատանքի թեման է՝ «Հայ Առաքելական եկեղեցու պատարագը և նրա պատմական զարգացումը»: Այն բաղկացած է 141 մեքենագիր էջերից և ընդգրկում է՝

Հայ Առաքելական եկեղեցու ծագումն ու գործունեությունը առաջին հինգ դարերում.

Հայ եկեղեցու պատարագը Ե դարում.

Հայ եկեղեցու պատարագը Զ դարի սկզբից մինչև Ժ դարի վերջը.

Հայոց պատարագը ԺԱ դարից մինչև մեր օրերը:

Հայ եկեղեցու պատմությանը զուգընթաց, հեղինակը ներկայացրել է սրբազան

պատարագի պատմական զարգացումը՝ առանց խորամուխ լինելու դավանաբանական տարբերությունների և վեճերի մեջ:


Աշխատանքի արժեքն այն է, որ Հայ եկեղեցու ծիսագիտությանը և պատմությանը հետաքրքրվող ոռու ընթերցողը իրեն հետաքրքրող հարցերի լուսաբանումը կարող է գտնել ներկայացված աշխատանքում:

Բանավոր պաշտպանությունից հետո, մայիսի 28-ին, Մոսկվայի հոգևոր ակադեմիայի հանդիսությունների դահլիճում մույն հաստատության ղեկավար Ալեքսանդր արքեպիսկոպոսը Հակոբ սարկավազ Մարտիրոսյանին հանձնեց աստվածաբանության թեկնածուի դիպլոմը:

«Էջմիածին» ամսագրի խմբագրությունը շնորհավորում է քարեշնորհ սարկավազին և մաղթում նոր հաջողություններ:

ԹՂԹԱԿԻՑ





Ս. ԷԶՄԻԱԾՆԻ ՀՈԳԵՎՈՐ ԺԵՄԱՐԱՆԻ 1986—1987 ՌԻՍՈՒՄՆԱԿԱՆ ՏԱՐՎԱ ՓԱԿՄԱՆ ՀԱՆԴԵՍԸ

Հունիսի 8-ին Ս. Էջմիածնի հոգևոր ճեմարանի հանդիսությանը դահլիճում՝ նախագահությամբ Նորին Սուրբ Օծույթում Ս. Տ. Վազգեն Ա Ամենայն Հայոց կաթողիկոսի, տեղի ունեցավ 1986—1987 ուսումնական տարվա փակման հանդեսը:

Տերունական աղոթքից և Հայաստանի բայերգից հետո, բացման խոսքով հանդես եկավ փոխտեսուչ Պարզև վրդ. Մարտիրոսյանը:

«Այսօր եկել ենք այս նվիրական հարկի տակ, համաձայն մեր հոգևոր ճեմարանի ավանդության, ներկա գտնվելու ամառվա՝ չի հանդիսությանը՝ կիսելու մեր սաների ուրախությունը, որով նրանք շրջում են իրենց կյանքում ևս մեկ էջ, նվիրված Հայոց Եկեղեցուն ու ազգին: Ուրախությունը կիսելուց բացի մենք՝ հոգևոր ճեմարանի դասախոսներս, եկել ենք նաև հաշիվ տալու Տիրոջ, Վեհափառ Հայրապետի և մեր ազգի առջև, թե ինչ ենք արել ի նպաստ Քրիստոսի պատգամների քարոզման և հավատացյալների հոգևոր կերտումին:


Հայաստանի վերածննդյան պատմական 301 թվի՝ Լուսավորչի տեսիլքից և հաստատման օրից այս սրբազան հոգևոր դրպրոցի նպատակն է եղել պատրաստել հոգևորականների և հայրենասերների մատաղ սերնդի անքակտելի մի շղթա, որը կարողանա Քրիստոսի ու Սուրբ Գր. Լուսավորչի ջանք անմար պահել՝ դարերի

միջով մեր ժողովուրդը առաջնորդելով դեպի ճշմարտության ու փրկության նավահանգիստը:

Այսօր հոգևոր ճեմարանը գտնվելով Հայրենիքում և ամուր հիմք ունենալով Հայրենի հողը, գլխավորությամբ Ամենայն Հայոց Վեհափառ կաթողիկոսի, հետևում է Քրիստոսի ու մեր սուրբ թարգմանիչների պատգամներին, քարոզում և ուսուցանում Ավետարանի լույսն ու մեր գիրը հայկական՝ դաստիարակելով քաջակորով հոգիներ, օրինակ ունենալով Ավարայրի հերոսներին, որոնք նահատակվեցին վասն Հիսուսի և վասն հայրենյաց, սնուցում սեր և հավատարմություն Քրիստոսաէջ սրբազան Մայր Աթոռ Սուրբ Էջմիածնի և Մայր Հայրենիքի նկատմամբ:

Դաստիարակման ու քարոզության ընթացքում մենք ունեցել ենք միայն մեկ նպատակ, պատրաստել բարձր բարոյական նկարագրով երիտասարդ հայեր, որոնք միշտ պետք է ապրեն ու գործեն հանուն մի Աստծու, մի Եկեղեցու, մի Հայրենիքի և մեր աստվածատուր մայրենի լեզվի, ջանք ու եռանդ չխնայեն հանուն հաստատուն խաղաղության բովանդակ աշխարհում, որ «արարեալ է յԱստուծոյ»:

Վեհափառ Տեր,
Մայր Աթոռ Սուրբ Էջմիածնի հոգևոր ճեմարանի տեսչական ու դասախոսական կազմը, որ արդեն 32 տարիներ ղեկավա-



ՎԵՆԱՓԱՆՈՒ ՀԱՅՐԱՊԵՏՆԵՐ ԳԵՐԱԳՈՒՅՆ ՀՈԳԵՎՈՐ ԽՈՐՀՐԳԻ ԱՆԴԱՄՆԵՐԻ ՀՈԳԵՎՈՐ ԾԵՄԱՐԱՆԻ ՏԵՍՈՒԹՅԱՆ, ԳԱՄԱՆՈՍԱԿԱՆ ԿԱԶՄԻ ԵՎ ՌԵՍԱՆՈՐՈՒԹՅԱՆ ՀԵՏ
(8 հունիսի 1987 թ.)

րում է Ձերդ Սրբությունը, այս տարի ևս հավատ ու գիտություն սերմանեց երիտասարդ հոգիների դաշտում՝ հույս ու վստահություն ունենալով, որ մեր սաները, այդ թվում ավարտական լսարանի 9 շրջանավարտ սարկավագները, պարարտ հող կլինեն՝ քերելու բարի պտուղներ, և կգան լրացնելու մեր Եկեղեցու սպասավորների շարքերը, կմիանան Մայր Աթոռի միաբանությանը և իրենց ուխտով կկանգնեն Իջման Սեղանի առջև՝ Ձերդ Սրբության օրհնությանը ևս առավել ամրապնդելու Հայաստանյայց Առաքելախառնա Սուրբ Եկեղեցու պունկերը:

Ապա աշակերտների խումբը երգեց «Էջ Միածինն ի Հօրէ», «Որք զարդարեցին» և այլ շարականներ: Արտասանվեցին Եղիշե Չարենցի և Հովհաննես Թումանյանի բանաստեղծություններից: Դաշնամուրի վրա ուսանողները կատարեցին Արամ Խաչատրյանի և Ծուպենի ստեղծագործություններից:

Շրջանավարտ ուսանողների անունից ելույթ ունեցավ Գառնիկ սրկ. Կարապետյանը և ասաց.

«Յուրաքանչյուր ուսանող արտի անսահման թրթրոով է սպասում այն պահին, երբ շրջանավարտ է դառնալու: Ահա հասել է այդ բաղձալի պահը, և մենք՝ ավարտական լսարանի ինը սարկավագներս, բարեհաջող ավարտելով հոգևոր ճեմարանի հրնգամյա դասընթացը, հրաժեշտ ենք տալիս մեր ուսանողական ճատարանին: Ինքնին ուրախալի է պահը, սակայն միածամանակ՝ տխուր, որովհետև հրաժեշտ ենք տալիս ոչ միայն ճատարանին, այլև մեր հոգևոր ծնողին՝ ճեմարանին, որի հարկի տակ տարիներ շարունակ ստացել ենք մեր հոգևոր դաստիարակությունն ու սնունդը:

Այս առթիվ մեր խորին երախտագիտությունն ենք հայտնում մեր սիրելի դասախոսներին՝ գլխավորությամբ Վեհափառ Հայրապետի, որոնք մեզ համար եղել են ոչ թե սուկ դասատու, այլ ուսուցիչ բառի բուն իմաստով: Նրանք մեր մեջ ցանել են իմաստություն սերմեր և անձամբույթ լոբեղ, որպեսզի այդ սերմերը տան իրենց առողջ պտուղները: Նրանց մտքի լույսով ու հոգու ջերմությամբ է, որ այդ սերմերը աճեցին և առատ քերք տվեցին: Մեր խորին երախտագիտությունն ենք հայտնում նաև Մայր տաճարիս լուսարարապետ գերազնորհ Տեր Հուսիկ արքեպս. Սանթրոքյանին, որը անձնական օրհնակ դարձավ մեզ համար եկեղեցական-ծիսական արարողությունների մեջ: Մեր ջնորհակալական խոսքն ենք ուղղում նաև հոգևոր ճեմարանի

տեսուչ Տ. Եզնիկ քահանա Պետրոսյանին և նախկին փոխտեսուչ Տ. Հայկազուն ծաղրագույն վարդապետ Նաչարյանին, ինչպես նաև մեր դաստիարակ վերակացուներին:

Վեհափառ Տեր, Ձեզ աշակերտելիս և այլ առիթներով մենք շատ բան սովորեցինք Ձերդ Սրբությունից՝ հայրենասիրություն, եկեղեցասիրություն, ազնվություն, անկոտրում կամք և բազում այլ առաքինություններ: Ձերդ Սրբության օրհնակը մեզ ոգեշնչել և ոգեշնչելու է մեր հետագա գործունեության ընթացքում: Այս հանդիսավոր պահին իմ սարկավագ եղբայրների անունից վստահեցնում եմ Ձերդ Սրբությանը, որ մեր հետագա գործունեության ողջ ընթացքում, ուր էլ որ լինենք՝ Մայր Հայրենիքում թե Սփյուռքում, միշտ բարձր կպահենք Ս. Էջմիածնի, Հայրենիքի և հայ հոգևորականի պատիվը, մեր ողջ ուժը կներդնենք Հայ Եկեղեցուն և հայ ժողովրդին ծառայելու սրբազան գործին: Այս առիթով մեր երդումն ենք տալիս Ձեզ՝ Ձերդ Սրբություն, և բոլոր ներկաներին. «Եթէ ՄՈՒՑԱՅՑ ԶՔԵԶ ԷԶՄԻԱԾԻՆ, ՄՈՌԱՍՑԻ ԶԻՍ ԱԶ ԻՄ: ԿՑԵՍՑԻ ԼԵԶՈՒ ԻՄ Ի ՔԻՄԸՍ ԻՄ՝ ԹԷ ՈՉ ՑԻԾԵՑԻՆ ԶՔԵԶ»:

Վեհափառ Տեր, մեր երդման այս խոսքերով ողջ ուսանողության անունից մաղթում եմ Ձեզ արևշատություն և երկար տարիների քեղմնավոր հայրենասիրական գործունեություն: Թույլ տվեք համբուրել Ձեր Սուրբ Աջը և ստանալ Ձեր հայրական օրհնությունները:

Տարեկան հաշվետվության ընթացքով հանդես եկավ հոգևոր ճեմարանի տեսուչ Տ. Եզնիկ քահ. Պետրոսյանը: Նա մեծ գոհունակություն հայտնեց, որ այս տարի ճեմարանը ունեցավ ինը սարկավագ շրջանավարտներ, որոնք շուտով կանցնեն եկեղեցական ծառայության՝ միածամանակ աշխատելով իրենց ավարտաճառերի վրա: Ակներև է հոգևոր ճեմարանի կատարած դերը հայ եկեղեցական կյանքում: Հոգևոր ճեմարանը վերջին տարիներին գրեթե ամեն տարի մեծ թվով շրջանավարտներ է ունենում, որոնք հետո ձեռնադրվում են կուսակրոն կամ ամուսնացյալ քահանաներ և նվիրվում են Հայ Եկեղեցու ծառայության ի Հայաստան և ի սփյուռս աշխարհի: Արժանապատիվ տեսուչ տեր հայրն ասաց.

«Վեհափառ Տեր,

Ամենակալ Աստուծո ողորմությամբ իր ավարտին հասավ Ս. Էջմիածնի հոգևոր ճեմարանի 1986—1987 ուսումնական տարին:

Վեհափառ Հայրապետի հովանավորության ներքո հավաքվել ենք հոգևոր ճեմարանի հանդիսությունների սրահում՝ ամփոփելու անցնող ուսումնական տարվա արդյունքները:

Հայտնի է բոլորիս, որ Ս. Էջմիածնի հոգևոր ճեմարանը հանդիսանում է Հայ Եկեղեցու կարևոր զարկերակներից մեկը: Այստեղ են ծնվում անձինք, որոնց պիտի վստահվեն Հայ Եկեղեցու և հայ ժողովրդի կրոնական կյանքի առաջնորդությունը: Այս հաստատումը չափազանց պարտավորեցնում է հոգևոր ճեմարանի տեսչությանը և դասախոսական կազմին:

Որքան պարտավորեցնող, մույնքան և դժվարին է մեր աշխատանքը: Ճեմարանի տեսչության և դասախոսական կազմի աշխատանքը երևում է նրա հասցրած սաների մեջ: Անցնող ուսումնական տարվա ընթացքում հոգևոր ճեմարանի յոթ ուսանողներ հաջողությամբ հանդես եկան իրենց դիպլոմային աշխատանքների պաշտպանությամբ և ստացան վկայական, որ վկայում է, թե նրանք պատրաստ են ուրք դնելու Հայ Եկեղեցու միաբնակցության սանդուղքին: 1986 թ. դեկտեմբերի 25-ին, Ս. Ստեփանոսի տոնին, հոգևոր ճեմարանի 7 շրջանավարտներ ստացան սարկավագական աստիճան: Երեկ հոգևոր ճեմարանի շրջանավարտները ծուկի եկան Ավագ խորանի առջև և իրենց կյանքը մփրեցին Հայ Եկեղեցու սպասավորությանը, որով անցնող ուսումնական տարվա ընթացքում հոգևոր ճեմարանի շրջանավարտներից երեքը դարձան ամուսնացյալ, վեցը՝ կուսակրոն քահանաներ:

Ծուտով, հավանաբար սեպտեմբերի երկրորդ կեսին, հոգևոր ճեմարանում դիպլոմ կստանան ևս ինն ուսանողներ, որոնք Ամենայն Հայոց Վեհափառ Հայրապետի անօրինությամբ կլինեն հոգևոր ճեմարանի հերթական տուրքը Հայ Եկեղեցուն:

Դասախոսական կազմը

Ինչպես անցնող երեսուներեկ տարիներին, այս տարի ևս հոգևոր ճեմարանի դասախոսական կազմը գլխավորեց Ամենայն Հայոց Վեհափառ Հայրապետը: Նորին Սրբությունն այսպիսով մեծապես գնահատում է հոգևոր ճեմարանի տեսչությանը և դասախոսական կազմին:

Անցնող ուսումնական տարվա ընթացքում հոգևոր ճեմարանում իրենց ուսուցչական աշխատանքը շարունակեցին Եզնիկ քահանա Պետրոսյանը, Եղիշե ավագ քահանա Սարգսյանը, Եղիշե ավագ քահանա

հանա Բաղրամյանը, Արտակ ավագ քահանա Սիմոնյանը, Հուսիկ քահանա Լազարյանը, Նարեկ քահանա Մատարյանը, Հայկ սարկավագ Ֆրունջյանը, պարոնայք Պարզև Ծախբազյանը, Երվանդ Մելքոնյանը, Արտաշես Մաթևոսյանը, Խորեն Պալյանը, Լևոն Տեր-Պետրոսյանը, Ստեփանոս Չաքալյանը, Նորիկ Գրիգորյանը, Երվանդ Գրիգորյանը, Արմեն Հովսեփյանը, Կոմիտաս Քեչիշյանը, Կարեն Մաթևոսյանը, Խաչիկ Բաղիկյանը, Թադևոս Ամարյանը, Ռուբիկ Կարապետյանը և տիկին Ռոզա Ղալաշյանը: Վերոհիշյալ դասախոսների կողքին այս տարի դասախոսական աշխատանքի հրավիրվեց Պարզև վարդապետ Մարտիրոսյանը:

Տեսչական կազմը

Հոգևոր ճեմարանի տեսչությունն այս տարի ուներ հետևյալ կազմը.

Տեսուչ՝ Եզնիկ քահանա Պետրոսյան
Ընդհանուր դաստիարակ՝ Պարզև վարդապետ Մարտիրոսյան

Բարտուղար՝ Հուսիկ քահանա Լազարյան

Վերակացուներ՝ Աշոտ սարկավագ Թովմասյան

Վաչագան Հովհաննիսյան

Լևոն Պետրոսյան

Գրադարանավար՝ Հենրիկ Բալյան

Բժիշկ՝ Հրաչ Մանուկյան

Ուսանողությունը

1986—87 ուսումնական տարվա սեմին հոգևոր ճեմարանն ուներ 45 ուսանող: Տարվա կեսին եկան ևս 7 ուսանողներ: Տարվա ընթացքում տարբեր պատճառներով հեռացվեցին 16 ուսանողներ, որով տարին ավարտում են 35 ուսանողներ, ըստ հետևյալի.

Ե լսարան՝ 9 ուսանող

Դ լսարան՝ 8 ուսանող

Գ լսարան՝ 8 ուսանող

Նախապատրաստական՝ 10 ուսանող

15 ուսանողներ սփյուռքից են՝ Լիբանան, Սիրիա, Իրաք, Իրան, Հնդկաստան, Եգիպտոս, Ռումինիա, ԱՄՆ, Բրազիլիա, Արգենտինա:

Ուսումնական գործունեության հետ զուգահեռ անցյալ ուսումնական տարվա ընթացքում կատարվել են նաև դաստիարակչական աշխատանքներ. այսպես, կազմակերպվել են դասախոսություններ զանազան թեմաներով, հանդիպումներ Մայր Ա-

թոռի բարձրաստիճան հյուրերի հետ, գեղարվեստական երեկոներ, պտույտներ Հայաստանի զանազան վայրեր՝ հայ ժողովրդի անցյալի և ներկայի նվաճումներին ծանոթանալու նպատակով: Ուսանողները հաճախակի ներկա են եղել համերգների, թատերական ներկայացումների, հանդիպումների և այլն:

Վեհափառ Տեր, թույլ տվեք այս առթիվ հոգևոր ճեմարանի տեսչության, դասախոսական կազմի և ուսանողության անունից ջերմապես շնորհակալություն հայտնել Ձերոք Սրբությանը այն հոգատար վերաբերմունքի և հայրական խնամքի համար, որ տաժում է Ձերդ Սուրբ անձը հոգևոր ճեմարանի նկատմամբ:

Ցանկանում եմ շնորհակալական խոսք ասել նաև Մայր Աթոռի միաբանությանը և պաշտոնեությունը՝ իրենց ցուցաբերած զանազան օժանդակությունների և բարի խորհուրդների համար:

Հոգևոր ճեմարանի տեսչությունը շնորհակալություն է հայտնում Հայկական ՍՍՀ Միմիստրների խորհրդին առընթեր Հայ Եկեղեցու գործերի խորհրդին՝ ի դեմս տիար Ստեփան Վարդանյանի, որ իր բարի կամեցողությամբ և անհրաժեշտ օգնությամբ օժանդակում է հոգևոր ճեմարանի գործունեությանը:

Հուսկ ասա Վեհափառ Հայրապետը բաշխեց առաջադեմ աշակերտներին մրցանակները և տվեց իր օրհնությունը՝ շնորհավորելով շրջանավարտներին, տեսչությանը և դասախոսական կազմին՝ 1986—1987 ուսումնական տարին հաջողությամբ ավարտելու համար: Նորին Սրբությունն ասաց.

ՎԵՀԱՓԱՌ ՀԱՅՐԱՊԵՏԻ ԽՈՍԹԸ

«Տուր զհամար տնտեսութեան թո»
(Ղուկ. ԺԶ 2):

Մեր Տիրոջ՝ Հիսուսի խոսքերն են, որ ասվել են հայտնի «Ամիրսի տնտեսի» առակում: Այս արտահայտությունը բնականաբար ի գործ է կանգնի բոլոր բնագավառներում, աշխատանքի ամեն ասպարեզում: Ահա այս պահն է պատ, երբ կարող ենք ոգեկոչել Հիսուսի նույն խոսքերը՝ «տուր զհամար տնտեսութեան թո», դիմելով մեր հոգևոր ճեմարանի տեսչությանը, ուսուցչական կազմին և, խնջուշտ, մասնավորապես ուսանողությանը, որովհետև և՛ տեսչությունը իր աշխատանքով, և՛ դասախոսական կազմը իր գործունեությամբ, և՛ մանավանդ ուսանողները իրենց ուսումով, բարի վարքով, մեկ ամբողջություն են

կազմում՝ նույն նպատակին ծառայող: Կարծում եմ, որ անցնող կրթական տարեշրջանում մեր հոգևոր ճեմարանի թե՛ տեսչությունը և թե՛ դասախոսական կազմը, որի մեջ որակյալ մասնագետներ կան երեվանից հրավիրված, իրենց կարելին արեցին և հասան ցանկալի արդյունքների: Կարող են վրիպումներ եղած լինել. ամեն կրթական հաստատության մեջ լինում են նման փոքրիկ զանցառումներ: Բայց ընդհանրապես ես կարող եմ վկայել, որ նրանք իրենց պարտականությունը կատարեցին բարեխղճությամբ ու ձեռնհասությամբ: Եվ ճիշտ կլիներ ավելացնել նաև, որ նրանք իրենց պարտականությունը կատարեցին սրբազան մի գործի ծառայելու գիտակցությամբ: Հիմնականում, սիրելի ուսանողներ, պետք է այս հարցումը ձեզ ուղղենք՝ տվեք ձեր տնտեսության համարը, այսինքն՝ ձեր աշխատանքի համարը, հաշվետվությունը: Արդյոք ամեն մեկը ձեզանից տվե՞ց այն, ինչ որ կարող էր տալ. դուք ինքներդ կարող եք հասկանալ այդ և վկայել: Հրապարակավ վկայելու կարիք չունեք մեր առջև, բայց դուք ձեր խղճի առջև պետք է այդ համարատվությունը կատարեք: Հավանաբար ձեզանից ոմանք իրենց պարտականությունը այնքան էլ լրիվ չկատարեցին, այսինքն չկատարեցին այնքան, ինչքան կարող էին: Դա, խնջուշտ, թերացում է: Այս խոսքերը ասում եմ ես ոչ թե քննադատելու, այլ ձեզ խրախուսելու, քաջազերելու համար, որպեսզի հառաջիկա տարիներին աշխատեք ձեր ունակությունների, ձեր շնորհների, ձեր հնարավորությունների առավելագույնը ի գործ դնել, չբավարարվեք միայն ուսուցչի գնահատականով: Հարցը այն չէ, թե ձեր գնահատականը «երեք» է, «չորս» է կամ «հինգ»: Կարող է նույնիսկ մեկը «հինգ» գնահատական ստանալ, բայց իր աշխատանքը բարեխղճորեն կատարած չլինել: Ձեզանից ամեն մեկը Աստծուց տրված շնորհներ ունի, ես վստահ եմ դրանում: Եվ դուք պետք է գիտենաք առավելագույն չափով արժանի ձեր շնորհները: Ահա այդ պարագային է, որ դուք կդառնաք ավելի կատարյալ ուսանողներ և ապագային նույն բարեխղճությամբ, նույն կատարելությամբ, հույս ունենալով, պիտի ծառայեք մեր Եկեղեցուն:

Այս տարվա շրջանավարտները ինձ են, և իմ շրջանի երեսուներկու տարիների ընթացքում, իմ փորձառությունից եմ ասում, լավագույն շրջանավարտների շարքին եմ պատկանում: Ես ամեն մեկին անձնապես ճանաչում եմ, որովհետև վերջին դասարանին ես եմ դասավանդում քարոզխոսություն:

նը: Նրանք իսկապես ոչ միայն բավարար գնահատական ստացան ինձանից (ես մի քիչ ժլատ եմ, «հինգ» ոչ մեկին չեմ տվել), բայց կարող եմ վկայել, որ նրանց՝ իմ լավագույն աշակերտների շարքին կարող եմ դասել: Եվ քարոզխոսության մեջ, գիտեք, արտահայտվում է տվյալ ուսանողի և՛ կրոնագիտական, եկեղեցագիտական պատրաստությունը, և՛ լեզվական իր հնարավորությունները, և՛ մեր մայրենի լեզուն գեղեցիկ կերպով օգտագործելու կարողությունը, ինչպես նաև իր անձնական, անհատական մտորումները, խոհերը: Այս բոլոր տեսակետներից մեր ինը շրջանավարտները բավարար, և գուցե ավելի քան բավարար չափով գոհացրին ինձ, և ես այսօր շնորհավորում եմ նրանց, ինչպես նաև բոլոր ուսանողներին, որոնք հաջողությամբ ավարտում են այս տարվա ուսումնական շրջանը:


Գրեթե պատահաբար իմ ձեռքի տակ ունեցա Մայր Աթոռի պաշտոնաթերթ «Արարատ» ամսագիրը: Սա 1910-ի թիվն է, հու-

նիս ամիս, և տեղի են ունեցել նաև այն ատեն շրջանավարտների այսպիսի հանդիսություններ: 77 տարիներ առաջ գրեթե նույն պատկերն էր ներկայացնում հոգևոր ճեմարանը: Սա շատ ուրախալի է մեզ համար, որովհետև նույն ավանդությունն է, որ շարունակվում է ահա 77 տարիներից ի վեր: Զգո՜ւմ ենք, որ ապրում ենք ոչ միայն այսօրվա մեր կյանքը, այլ նաև որ մեր այսօրվա կյանքը հիմնված է հին հիշատակների վրա և գնում է դեպի ապագան:

Մեր օրհնությունը բոլորիդ: Կեցցե Ս. Էջմիածինը:

Վեհափառ Հայրապետը հույս հայտնեց, որ սեպտեմբերին բոլորը մոր եռանդով և ոգևորությամբ կսկսեն ուսումնական մոր տարեշրջանը՝ շարունակելու Ս. Էջմիածնի հոգևոր ճեմարանի առաքելությունը՝ Հայ Եկեղեցին ապահովելու կրթյալ և բազմակողմանիորեն զարգացած հոգևորականներով:





ՀՈԳԵԾՆՈՐՀ ՊՈԴՆՍ ՎՐԴ. ՏԵՐ-ՆՇԱՆՅԱՆԸ
100 ՏԱՐԵԿԱՆ Է

Պոդոս վրդ. Տեր-Նշանյանը արդեն մեկ դարի ծանրություն ունի ուներին, բայց շարունակում է ծեսեր կատարել և գերկա լինել Մայր Աթոռում կատարվող հանդիսություններին:

Այդ հարյուր տարիները լեցուն են ճակատագրի վերիվայրումներով՝ հայրենի բնօրրանից զրկվելուց, գաղթի ճանապարհին մահվան սարսափից մինչև Մայր Հայրենիքում, Սուրբ Գեղարդում և այլուր հոգևոր եռանդուն ծառայություն և այսօր՝ երջանիկ ծերություն:


1922-ին Կիլիկիայից Սիրիա անցնելուց հետո մտասնեռում է ունեցել Երուսաղեմի Սրբոց Հակոբյանց վանք՝ կուսակրոն քահանայության ուխտով կյանքը իր ժողովրդին նվիրաբերելու: Նահատակ Տեր Նշան քահանայի որդին դաստիարակվել էր Հայ Եկեղեցու ծառայության ոգով և 1926-ին գնաց Երուսաղեմ՝ միաբանության շարքերն անցնելու:

1947-ին գերգաղթ Մայր Հայրենիք, հոգևոր ծառայություն տարբեր եկեղեցիներում և 1955՝ միաբան Մայր Աթոռ Ս. Էջմիածնի՝ լուսարարի օգնական, ապա Ս. Գեղարդ, ուր իր ծնողների հիշատակին աղբյուր-հուշարձան կառուցեց: 1957-ին վարդապետ: 1962 թ. Դարալագյազի Ս. Խաչ վանքի վանահայր և հետագա տարիներին անձնվեր ծառայություն:



Խմբագրությունը ձայնակցում է Մայր Աթոռի միաբանությանը՝ շնորհավորելով հոգեշնորհ հայր սուրբին իր հարյուրամյակի առթիվ և մաղթում է քաջառողջություն և բարօր կյանք՝ ի ծառայություն Հայաստանյայց Առաքելական Սուրբ Եկեղեցու:





ԿՈՄԻՏԱՍ ՎՐԴ. ՀՈՎՆԱՆՑԱՆ

Ք Ա Ր Ո Ջ

«Ի վերայ Աջոյն և Սրբոյ Էջմիածնի ամենայն ազգն հայոց կապեալ կայ»:

Սիրելի հավատացալ ժողովորդ, այսօր ամենակարևոր տոներից մեկն է մեզ՝ հայերիս համար, որը կապված է Ս. Էջմիածնի հետ, ինչպես եկեղեցական օրացույցն է հայտնում՝ «Տօն Կաթողիկէ Ս. Էջմիածնի»:

Էջմիածին, հայ ոգու գտարանը բազմադարյա, հայոց հույսի փարոսը անմար, որի ստեղծումը ոչ այլ ինչ էր, քան Աստվածահաճո և Աստվածահայտ: Ոչ մեկ հավատքի կենտրոնի ստեղծում չունի այնպիսի ավանդություն, ինչպիսին էր հայոց հավատքի սրբազնատուրք տապանակը հանդիսացող Ս. Էջմիածինը: Քրիստոս իջալ Հայոց երկիր, ընտրեց հայ ժողովրդին՝ նրան պարգևելով մի մոր հեղինակ՝ Հայոց հեղինակ՝ Ս. Էջմիածինը:

Դարերի խորհուրդ կա խտացած այս սուրբ կամարների տակ, մեր նախնյաց ջունչը և ոգին կա այստեղ պարուրված, առլեցուն Քրիստոսի Աստվածային խոսքերով ու պատգամներով:

Խոսքեր, որոնք սեր և խաղաղություն, արդարություն և ճշմարտություն են պատգամում, և այդ բոլորը դարձալ հավատամքը մեր ժողովրդի երեկ և այսօր: Եվ մենք, իբրև ճշմարիտ ժառանգորդները Սուրբն Գրիգոր Լուսավորչի և հետևորդները Քրիստոսի, վստահորեն կարող ենք խոստովանել, որ այդ բոլորը պահում ենք մեր հոգիներում և ամեն անգամ այս սուրբ և անմահ տաճարում կատարում ենք ուխտի և երդումի հաստատում՝ մեր և հայոց Աստծու միջև:

Պատմությունը ապացուցեց, դժբախտաբար, որ արդարությունն ու ճշմարտությունը որքան էլ ցանկալի են եղել մարդկային ոգուն, այնուամենայնիվ նրանց պաշտպանները բազում անգամներ են դարձել հալածվածներ: Նման հալածանքի կնիք կար դրոշմված և մեր սուրբ ազգի ճակատագրի մատյանի մեջ: Բայց և ամեն անգամ, ամենաճանր պահին, ամենադժվար կացության մեջ ունեցել ենք հույսի և վաղվա խաղաղ արշալույսի գաղափարը, որը մեզ ուսուցանել է մեր մեծ վարդապետը՝ Քրիստոս, որը հայերիս համար հայկականացալ իր էջքով այս սուրբ հողը, Արարատյան աշխարհի այս գողտրիկ անկյունը՝ մեր ժողովրդի վերածննդի հոգևոր ավազանը:

Մարգարեական է Առաքել Դավրիժեցու խոսքը, թե՛ «Ի վերայ Աջոյն և Սրբոյ Էջմիածնի ամենայն ազգն հայոց կապեալ կայ»: Այո, երկու սրբություններ, որոնք մեր ազգի համար եղել են ուժի և գոյատևման խորհրդանիշներ. ոսկեձուլ Աջը Լուսավորչի, որը խորհրդանիշն է Հայոց Հայրապետի իշխանության, և Մայր Աթոռ Ս. Էջմիածինը, որը խորհրդանիշն է հանուր հայության: Եվ անհնարին է պատկերացնել մեր ժողովրդին իր անցյալով և ապագայով՝ կտրված այս երկու սրբություններից, որոնք ընտրվել են և օծվել Աստծու կողմից: Եվ եթե մարդիկ ժամանակի և պայմանների քերտումով ջանացել են բաժանել այս երկուսը իրարից, Աստված վերստին միացրել է դրանք:

Էջմիածին, ինչ մեծ խորհուրդ կա այս պարզ բառի մեջ, ինչպիսի կարոտ՝ դաշված շուրթերին հայ պանդուխտի: Նա եղել

է քուրան հայոց կրթության, Հորդանան գետը մեր հավատքի: Չեղավ միայն պարզ աղոթատուն, այլ եղավ օրրանը հայոց գրերի, հայ մտքի կաղապարը սուրբ: Եվ այդ ամենը առանց տատանման պարտական ենք մենք մեծ Հայրապետին՝ Սուրբ Գրիգոր Լուսավորչին, որը ոչ միայն պարզ քարոզիչ դարձավ Հայոց աշխարհում, այլև դրեց անկյունաքարը Հայոց պատմության, որով ամեն բան Քրիստոսատիպ դառնալուց հետո, դարձավ հայատիպ: Եվ Լուսավորչի սուրբ ոգին և գիտակցությունը դարեդար անցավ առանց խամրելու 130 Հայրապետների ձեռքից-ձեռք, Սուրբ Հոգուց փոխանցվեցին և մարմնավորվեցին Վեհափառ Հայրապետի՝ Ամենայն Հայոց Վազգեն կաթողիկոսի մեջ: Ո՛ր հայն այսօր կարող է Էջմիածնի վերազարթոնքը պատկերացնել առանց Վազգեն Ա Վեհափառի:


Ծիսությունը դեռ ոգի չունի, եթե այն կենդանի չէ: Էջմիածնին այսօր կենդանի է, որովհետև կաք դուք՝ ով հայ ժողովուրդ, իմ վերածնված Հայոց աշխարհի ազնիվ վկաներ: Եվ այնքան ժամանակ, քանի

կապված են հոգիներն հայոց այս սուրբ տաճարին, մենք պիտի ապրենք, և այնքան ժամանակ, քանի անմար է կանթելը Լուսավորչի՝ մենք պիտի ապրենք:

Մենք պարտավոր ենք հայի ոգին ամուր պահել այս սուրբ տաճարի աշխարհատես գմբեթից: Աշխարհատես, քանզի այն ամենուր է. Մերձավոր Արևելք, Եվրոպա, Ավստրալիա, Ամերիկա, ամբողջ Սփյուռքում Էջմիածինը հոգու լուսե խորանն է հայ ժողովրդի: Եվ այսօր, հայոց այս մեծ և սուրբ տոնին՝ Էջմիածնի տաճարի հիմնադրման տոնին, սիրելի հավատացյալներ, աղոթք առաքենք առ բարձրյալն Աստված, որ ամուր հիմքերով պահի, պահպանի տաճարն այս սուրբ, Եկեղեցին Հայոց և նրա մեծ Հովապետին, թող Աստված իր խաղաղության ոգին առաքի ամբողջ աշխարհին, որպեսզի մեր վերածնված Խորհրդային Հայաստանը առավել ևս ծաղկի, բարգավաճի, քանզի նրա ծաղկումով ծաղկեց այսօր և Մայր Եկեղեցին հայոց:

Սեր, միություն և խաղաղություն հանուր մեր ազգին, ամեն:





ԹԵՄԱԿԱՆ ԿՅԱՆՔ

ԱՐԱՐԱՏՅԱՆ ՀԱՅՐԱՊԵՏԱԿԱՆ ԹԵՄԻ ԱՌԱՋՆՈՐԴԱԿԱՆ
ՓՈԽԱՆՈՐԴ ԳԵՐԱԾՆՈՐՀ Տ. ԳԱՐԵԳԻՆ ԵՊՍ.
ՆԵՐՍԻՍՅԱՆԸ ԱՄՆ-ՈՒՄ

Սույն թվականի ապրիլի 26-ին, Ամենայն Հայոց Հայրապետի բարեհաճ կարգադրությամբ և ԱՄՆ-ի հայոց արևմտյան թեմի առաջնորդ Տ. Վաչե արքեպս. Հովսեփյանի հրավերով, Ամերիկայի Միացյալ Նահանգներ մեկնեց Արարատյան Հայրապետական թեմի առաջնորդական փոխանորդ Տ. Գարեգին եպս. Ներսիսյանը՝ մասնակցելու արևմտյան թեմի հոգևորականաց, տիկնանց և թեմական պատգամավորական տարեկան ընդհանուր համաժողովին, որը տեղի պետք է ունենար ապրիլի 30-ին Սան Ֆրանցիսկոյի մոտ գտնվող Օքլանդ քաղաքում: Սրբազան հայրը իր մասնակցությունը բերեց վերոհիշյալ ժողովին՝ ժողովականներին փոխանցելով ողջույններ Մայր Հայրենիքից և օրհնություններ Սուրբ Էջմիածնից: Սրբազան հայրը ժողովականներին պատմեց Մայր Հայրենիքի հոգևոր կրոնական կյանքի մասին: Նախօրոք կազմված ծրագրի համաձայն, Գարեգին սրբազանը ս. պատարագ մատուցեց Օքլանդի և Սաքրամենտոյի հայ համայնքների եկեղեցիներում, ապա, ԱՄՆ-ի հայոց արևելյան թեմի առաջնորդ Տ. Թորգոմ արքեպս. Մանուկյանի հրավերով՝ Նյու Յորքի Սուրբ Վարդան Մայր եկեղեցում: Իր քարոզներում սրբազան հայրը տեղի հայ

համայնքներին փոխանցեց Վեհափառ Հայրապետի օրհնությունները և բարեմաղթությունները, ինչպես նաև Մայր Հայրենիքում ապրող իրենց քույրերի և եղբայրների սիրո ջերմ ողջույնները, հատուկ գնահատականի արժանացրեց այն եռանդն ու ղգին, այն գոհողություններն ու ներդրումները, որ կատարում են հայորդիները ի խնդիր իրենց ազգային գոյության պահպանման: Գարեգին սրբազանը մասնավորապես շեշտեց, որ ԱՄՆ-ում ապրող հայ ժողովրդի բոլոր զավակները պետք է իրենց սրտերում վառ պահեն սերը դեպի Մայր Հայրենիքը՝ Խորհրդային Հայաստանը, Սուրբ Էջմիածինը:

Ամենուրեք հայ համայնքները մեծ ցանկություն էին հայտնում իրենց մոտ հյուրընկալելու Ամենայն Հայոց Հայրապետին, փառահռություն հայտնելով, որ նրա օրհնությունները և հորդորները նոր եռանդ և ոգի կներարկեն տեղի հայ համայնքներին: Համայնքների անկեղծ ցանկությունն է, որ ավելի հաճախ Սուրբ Էջմիածնից հոգևորականներ այցելեն իրենց, որ ավելի հաճախ Մայր Հայրենիքից արվեստի և մշակույթի գործիչներ տեսնեն իրենց համայնքներում, որպեսզի առավել սերտաճա կապը Մայր Հայրենիքի և Սփյուռքի միջև:



ԱՄՆ-ի հայոց արևմտյան գրասենյակի և Երևանի հայկական համալսարանի ղեկավարների և անդամների խումբի լուսանկար


Մայիսի 6-ին Գարեգին սրբազանը Տ. Արիս եպս. Ծիրվանյանի և Սասուն աբեղա Ջմրուխտյանի հետ հանդիպում ունեցավ Կալիֆոռնիայի մահանգապետ պրն. Զ. Դոքմաճյանի հետ: Հանդիպումն անցավ ջերմ մթնոլորտում:

Սրբազան հայրը այցելեց մահ Հայ Բարեգործական Ընդհանուր Միության մայրաճար տիար Ա. Մանուկյանին: Սրբազան հայրը տիար Ա. Մանուկյանին փոխանցեց Վեհափառ Հայրապետի ողջույնները և շուտափույթ ապաքինման բարեմաղթանքները: Սրբազան հայրը ողևորության ընթացքում հանդիպումներ ունեցավ արևել-

յան և արևմտյան թեմերի հոգևորականների հետ, ինչպես մահ Նյու Յորքի Ա. Ներսես վարժարանի սաների հետ:

Մայիսի 30-ին Գարեգին սրբազանը, ավարտելով իր մեկամսյա ողևորությունը, գոհունակ սրտով վերադարձավ Մայր Հայրենիք և Երևանի Ա. Սարգիս առաջնորդանիստ եկեղեցում քարոզի նյութ դարձրեց իր ողևորությունը, Երևանի հավատացյալներին փոխանցեց Սփյուռքի հայորդիների սերը և ջերմագին ողջույնները:

Տ. ԱՎԵՏԻՍ ՔԼՆ. ԴԱՆԻԵԼՅԱՆ



ԱՐԵՎՄՏՅԱՆ ԵՎՐՈՊԱՅԻ ՀԱՅ ՀՈԳԵՎՈՐԱԿԱՆԱՑ
ՀԱՄԱԳՈՒՄԱՐԸ

Սույն թվականի ապրիլի 30—մայիս 2 օրերին, Լիոնի արվարձան Ֆրանշվիլի Սուրբ Իրենե ճեմարան վանքում, տեղի ունեցավ Արևմտյան Եվրոպայի հայ հոգևորականաց առաջին համագումարը՝ Հայրապետական Պատվիրակության ընդհանուր փոխանորդ գերաշնորհ Ս. Գյուտ եպս. Նազգաշյանի հրավերով:

Համագումարի նպատակն էր՝ հոգևոր խոլկումի, առանձնացման և աղոթքի պահերին զուգահեռ, ունկնդրել մի շարք դասախոսություններ, միաժամանակ՝ միասին մտածել, մտքեր փոխանակել, հայ համայնքներից ներս առնող հուզող զանազան հարցերի լուծման ճանապարհներ և միջոցներ որոնել՝ ավելի կազմակերպված և օգտավետ դարձնելու համար հոգևոր-եկեղեցական և ազգային-հայրենասիրական կյանքն ու գործունեությունը՝ ի շահ արևմրտյան ափյուրքում ցրված մեր ժողովրդի զավակներին:

Հավաքի բացումից հետո, որ կատարեց Գյուտ եպս. Նազգաշյանը, ընթերցվեց Ամենայն Հայոց Հայրապետ Ս. Ս. Վազգեն Ա. կաթողիկոսի օրհնության պատգամը՝ ողորված համագումարի մասնակիցներին (Տե՛ս «Էջմիածին» ամսագիր, 1987 թ., № Ն Ե—Զ, էջ 12):

Հայրապետի օրհնության խոսքը կարդաց այս առթիվ Նորին Սրբության պատգամաբեր, Նոր Նախիջևանի և Ռուսաստանի հայոց թեմի առաջնորդական տեղապահ հոգ. Ս. Տիրան վրդ. Կյուրեղյանը:

Այնուհետև ընտրվեց համագումարի դիվանը՝ հետևյալ կազմով.

Ատենապետ՝ Ս. Դավիթ եպս. Սահակյան
Ատենադպիր՝ Ս. Տարոն ծ. վրդ. Ծերեճյան

Դիվանին կից բանաձևող հանձնախումբ՝
Ս. Վիգեն վրդ. Ալքազյան
Ս. Զատիկ աթղ. Ավետիքյան
Ս. Ասողիկ աթղ. Արիստակեսյան

Ապա հաջորդաբար կարդացվեցին հետևյալ դասախոսությունները.

ա.—Հոգևորականը իր կոչման հետ (Գյուտ եպս. Նազգաշյան)

բ.—Հոգևորականը՝ պաշտպան իր եկեղեցի ու դավանության

(Ներսէս ծ. վրդ. Բապունյան)

գ.—Հոգևորականը՝ ճախանձախնդիր իր եկեղեցի ու ծեսին, ավանդությանց և լեզվին (Նորվան եպս. Զաքարյան):

Առաջին բանախոս Գյուտ եպիսկոպոսը, որպես «ի խորոց սրտի խօսք ընդ եղբայրս», համառոտակի կերպով ներկայացրեց օրինակելի և տիպար հոգևորականին, որպես «բարի, ազնիւ, հաւատարիմ, նուիրեալ ծառայ Տեառն», հորդորեց հաճախ հիշել և հավատարիմ մնալ ձեռնադրության ժամանակ կատարած մեր բոլոր խոստումներին՝ հրամայական և կարևորագույն պայմանը հոգևորականի ծառայության և գործունեության հաջողությանց:

Երկրորդ բանախոս Ներսէս հայր սուրբը ներկայացրեց Հայ Առաքելական եկեղեցու դավանաբանության հիմք կազմող տիեզերական առաջին երեք ժողովների (Նիկիա, Կ. Պոլիս, Եփեսոս) պատմությունը և եկեղեցու ուղղափառ հայրերի որոշումներն ու դավանաբանական սահմանումները, հրա-

վիրեց զգուշանալ և հեռու մնալ օտարամուտ ավանդություններից և հատկապես աստվածաբանական և ծիսական զանազան հարցերի նկատմամբ ունեցած զուտ անհատական մոտեցումներից:

Ահավասիկ այդ առաջարկություններից մի քանիսը.

ա.— Կազմել մի հանձնախումբ, որը պիտի ուսումնասիրի և քանաձևի առօրյա զանազան հարցերը և այն հանձնի գալիք հա-



Արևմտյան Եկրոպայի հայ հոգևորականաց համագումարի մասնակիցները

Իսկ Նորվան եպիսկոպոսը իր խոսքի մեջ հատկապես շեշտը դրեց հոգևորականի նախանձախնդրության վրա՝ հանդեպ իր կատարած ծեսի, ունեցած ազգային և եկեղեցական ավանդության և մայրենի լեզվի, ասելով՝ «Ծեսը պետք է կատարվի հավատքով, ապրումով, երկուդաժությամբ, որպեսզի այն լավագույնս փոխանցվի հավատացյալ ժողովրդին: Ծեսը պետք է նաև արդիականացնել, որովհետև այն արարք է ժամանակի մեջ»:

Յուրաքանչյուր զեկուցումից հետո տեղի ունեցան զանազան հարց ու պատասխաններ, մտքերի հետաքրքիր և օգտակար փոխանակումներ, բազում առաջարկներ ու թելադրություններ:

մագումարների ուշադրության և քննության.

բ.— Ունենալ Եկեղեցու ձայնը հանդիսացող պաշտոնական մի երկկեզու պարբերական՝ եկեղեցական, ծիսական, աստվածաբանական և զանազան այլ հարցերը մատչելի կերպով ժողովրդին ներկայացնելու և լուսաբանելու համար.

գ.— Ունենալ թեմական, համայնքային կամ ծխական թերթիկներ.

դ.— Պատրաստել քրիստոնեական ուսուցման առձեռն դասագրքեր տարբեր տարիքների համար.

ե.— Ամեն համայնքից ներս կազմակերպել երիտասարդաց կրոնական շարժումներ և զանազան միջոցառումներ, հատ-

կապես ուսումնասիրելու համար Սուրբ Գիրքը, Հայ Եկեղեցու մշակույթը, ծեսը և պատմությունը:

գ.— Ամեն տարի եկեղեցաւեր երիտաւարդաց խմբեր ուղարկել Հայաստան՝ ծանոթանալու, ուսումնասիրելու և կապելու համար մեր հոգևոր-եկեղեցական և մշակութա-ազգային արժեքներին:


է.— Մտածել ֆրանսաձին հոգևորականներ պատրաստելու մասին՝ նրանց ուղարկելով Սուրբ Էջմիածնի հոգևոր ճեմարան ուսանելու համար և այլն:

Համագումարի մասնակիցները որոշում ընդունեցին գալիք հանդիպումների մասին:

Երկօրյա հավաքը իր լրումին հասավ Տ. Գլուտ եպս. Նազգաշյանի եզրափակիչ խոսքով: Սրբազան հայրը ցանկություն հայտնեց հետ այսու տարին 2 անգամ կանոնավոր կերպով նմանօրինակ ժողովներ գումարել՝ քննարկելու և զրուցելու համար Եկեղեցու կյանքի հետ առնչվող զանազան հարցերի շուրջ՝ ի խնդիր Արևմտյան Եվրոպայի հայ համայնքների կրոնա-քարոյական և ազգային-հայրենասիրական կյանքի առաջիկ կազմակերպման:

Տ. ԶԱՏԻԿ ԱԲԵՂԱ, ԱՎԵՏԻՔՅԱՆ





ԱՅՑԵԼՈՒԹԻՒՆ ԱՂԵՔՍԱՆԴՐԻՈՅ ՅՈՒՆԱՅ ՊԱՏՐԻԱՐԷԻՆ

Աղեքսանդրիոյ Յոյն Օրթոտոքս անդրն-տիր Պապ և Պատրիարք Նորին Ամենա-պատուութիւն Բարթեմիոս Գ-ի գահակա-լութեան հանդիսութենէն ետք, Թեմիս Ա-ռաջնորդ գերշ. Տ. Զաւէն Սրբ. Արքեպս. Չինչիմեան, ընկերակցութեամբ Արժ. Տ. Նարեկ Խաչակիր Քհնյ. Ֆրանգեանի և Ազ-գային Իշխանութեան Գործադիր Ժողովի Ատենապետ, Տիար Նուպար Միմոնեանի, Երկուշաբթի, 6 Ապրիլի առաւօտուն շնոր-հաւորական այցելութեան գնաց Ն. Ամեն. Բարթեմիոս Գ Պատրիարքին, Աթոռանիստ Համգաւոյի եկեղեցին:

Հիւրերը դիմաւորեց Գերշ. Տ. Բեթրոս Բաբաթերոս, Պապելոնի Եպս.ը և առաջ-նորդեց Պատրիարքարան: Ընդունելութեան ներկայ էր նաև Գերշ. Տ. Վարձապաս Մետ-րոպոլիտ Բոր Սալիտի և Պատրիարքա-կան Փոխանորդ Աղեքսանդրիոյ, նաև Գերշ. Տամիանոս Եպս. Սինայի Ս. Կատա-րիան վանքի վանահայր:

Ողջագոյրումէ ետք, Գերշ. Տ. Զաւէն Արքեպս. յայտնեց թէ Գահակալութեան հանդէսին կը գտնուէր Մայր Աթոռ Ս. Էջ-միածին և Ն. Ս. Օ. Տ. Տ. Վազգէն Ա. Ամե-նայն Հայոց Կաթողիկոսը թէն շնորհաւո-րական ու սիրոյ հեռագիր դրկած էր, սա-կայն յանձնարարած էր Զաւէն Արքեպս.ին, անձամբ բերել նաև իր եղբայրական ող-ջոյնները: Սրբազան Հայրը յայտնեց թէ Հայց. Եկեղեցին դարերու ընթացքին, մա-նաւանդ Ե դարէն ետք, սերտ յարաբերու-թիւններ մշակած է Յոյն Ուղղափառ Եկե-ղեցիին հետ: Թէ Հայ Եկեղեցւոյ մեծանուն հայրերէն շատեր իրենց ուսումնառութեան համար մեկնած են Աթենքի, Կ. Պոլսոյ և Աղեքսանդրիոյ համբաւաւոր դպրոցները և թարգմանած են Յոյն մատենագրու-

թեան հատընտիր գործերը: Յանկալի է, ըսաւ Սրբազանը, որ երկու Եկեղեցիներուն յարաբերութիւնները նաև այսօր սերտ և եղբայրական ըլլան, վասն զի բոլորիս հա-սարակաց շահերը առաւել ևս կարդինա-ւորուին փոխադարձ սիրով: Գիտենք, որ կազմակերպուած համայնքներ ունիք Ափ-րիկեան ցամաքամասին վրայ բազմաթիւ երկիրներու մէջ և հիմէն ի վեր ուժեղ ա-ռաքելական գործ կը կատարէ Օրթոտոքս եկեղեցին: Կը մտղենք որ Ձեր գահակա-լութեան տարիները խաղաղութեամբ, շի-նարար աշխատանքի, յառաջդիմութեան և Եկեղեցիներու ծաղկման ժամանակաշրջան մը ըլլան:

Նորին Ամեն. Պատրիարք Բարթեմիոս Գ շնորհակալութիւն յայտնեց և խնդրեց որ իր եղբայրական զգացումները փոխան-ցենք Ն. Սրբոյթյուն Վազգէն Ա. Ամենայն Հայոց Կաթողիկոսին: Ինչ կը վերաբերի մեր զոյգ Եկեղեցիներու յարաբերութեան, ըսաւ Նորին Ամենապատուութիւնը, անհա-մաձայնութիւններու պատճառը արտաքին ազդակները եղած են, քան թէ հաւատքի հիմնական հասկացողութիւն: Քաղցրու-թեամբ յիշեց Աղեքսանդրիոյ Եկեղեցեաց Էկումենիկ աշխատանքներու մէջ, Վարձա-վաս Եպս.ի և իր հետ Հայ Եկեղեցւոյ հա-մագործակցութիւնը: Հետաքրքրուեցաւ Մայր Աթոռ Ս. Էջմիածնի մասին Անթի-լիասի յարաբերութիւններուն, ինչպէս նաև Եգիպտոսի մէջ մեր գաղութի այժմու վի-ճակի մասին: Այս բոլոր ներկաները մեկ-նեցան Մայր Տաճար ուր միասին աղօթե-լէ ետք, հիւրերը ողջագոյրմամբ հրաժեշտ առին:

Յաջորդ օր, Երեքշաբթի 7 Ապրիլի երե-կոյեան ժամը 5-ին, Ն. Ամեն. Բարթեմիոս

Գ. Պատրիարք, ընկերակցությամբ Գերշ. Վարձավառ և Բեթրոս Եպս.ներու և Պատրիարքարանի դիանապետին, փոխ-այցելությամբ եկան Ազգային Առաջնորդարան որ զիրենք ընդունելու համար ներկայ էին

սանդրիոյ Պատրիարքութեան և իբրև մեր Տիրոջ տասներեքերորդ առաքեալ, քանի որ Ջեր տիտղոսն է այս: Պատմութեան մէջ, յատկապէս Քրիստոնէութեան սկզբնական դարերուն, Աղեքսանդրիան, իբրև իմաս-



Նորին Ամենապատվոյուն Բարթեմիոս Գ. Պատրիարքը և գերաշնորհ Տ. Զաւեն արքեպս. Չինչիկյանը Եգիպտոսի հայոց առաջնորդարանում

Արժ. Տ. Նարեկ Խաչակիր Քհնյ. Թեմական Ժողովի Ատենապետ Տիար ԲՕԼ Քիլունեան, Ատենադպիր Տօթթ. Սուրեն Պայրամեան, Գործադիր Ժողովոյ Ատենապետ Տիար Նուպար Սիմոնեան, Ատենադպիր Տիար Նորայր Տէօվլէթեան:

Ազգային Առաջնորդարանի դահլիճին մէջ խօսք առնելով, Գերշ. Տ. Զաւեն Արքեպս. Ըսաւ.—

«Ջերդ Սրբոթին, Հոգևոր ուրախութեամբ Ջեզ, ինչպէս նաև Ջեր շքախումբի Գերշ. անդամները սիրով կողջունենք յանուն Ն. Ս. Օ. Տ. Տ. Վազգէն Ա Վեհափառ Կաթողիկոսին, Եգիպտոսի Հայ Եկեղեցւոյ և համայնքի այս կեդրոնին մէջ: Կը յիշենք Ա. Գրական խօսքը «ինչքան գեղեցիկ է քարոզիչին գալուստը»: Ընորհակալ ենք Ջեր շնորհաբեր այցելութեան համար որով Ջեզ հետ կը բերէք օրհնութիւն: Ի սրտէ կը շնորհատրենք Ջեզ յԱթոռ Աղեք-

տասիրական և աստուածաբանական կեդրոն, համբաւաւոր էր: Եկեղեցւոյ մեծանուն հայրեր ինչպէս Կիւրեղ Աղեքսանդրացին, Աթանաս և Ռոգինէս, ճշմարիտ դասանութիւնը ուսուցին: Ահա այս երանեալ հայրերու Աթոռին բազմելու կոչունցաւ Ջերդ Սրբոթինը: Կը մաղթենք և կաղօթենք որ Ջեր գահակալութեան շրջանին Ողղափառ մեր Եկեղեցիները առաւել ևս ծաղկին և յառաջդիմեն, կաղօթենք խաղաղութեան ամրապնդման համար: Կը մաղթենք Ջեզի առողջութեամբ երկար կեանք»:

Նորին Ամեն. Պատրիարքը վերստին սանդրադարձաւ Յուն և Հայ Եկեղեցիներու նշխարակցութեան և գործակցութեան: Ընորհակալութիւն յայտնեց ցոյց տրուած ընդունելութեան և շնորհատրանքի ու մաղթանքի խօսքերուն համար: Խնդրեց որ իր եղբայրական զգացումները փոխանցենք Ն. Ս. Օ. Տ. Տ. Վազգէն Ա Ամենայն Հայոց

Վեհափառ Կաթողիկոսին: Երկար կեանք և արևշատութիւն մաղթեց Ամենայն Հայոց Կաթողիկոսին: Ապա Սրբազան հայրը մի առ մի Ն. Ամենապատուութեան ներկայացուց Ազգային Իշխանութեան անդամները, որոնք ունեցան սրտաբաց գրոյց Ն. Սրբութեան հետ:

Յանուն Ազգային Իշխանութեան, Պատրիարք Սրբազանին նուիրուեցաւ Ս. Էջմիածնի «Գանձեր» փառաւոր գիրքէն օրինակ մը: Յիշատակի համար խմբանկարուել էտք, բոլոր ներկաները ուղղուեցան Ս. Գրիգոր Լուսաւորիչ եկեղեցին, ուր դպիրներ և հոգևորականներ «Հրաշափառ» շարական երգելով Ն. Ամենապատուութիւնն ու իր շքախումբի անդամները առաջնորդեցին դէպի խորան:

Հիւրերը մեկնեցան ողջագործմամբ:

*
*
*

Մերձաւոր Արևելքի Հայ Անտարանական Եկեղեցիներու նախագահ, վերապատ-

ուելի Յովհաննէս Գարձեան, որը շաբաթ մը ի վեր Եգիպտոս եկած էր, Ծաբաթ 9 Մայիսի առաւօտուն, ընկերակցութեամբ իր տիկնոջ և Տիար Հայկ Փիլիպպոսեանի, այցելեց Գահիրէի Ս. Գրիգոր Լուսաւորիչ եկեղեցին և Ազգային Առաջնորդարան:


Հիւրերը ընդունեցին Գերշ. Տ. Զատեն Արքեպս. Չինչիմեան և Արժ. Տ. Նարեկ Խաչակիր Զհնյ. Յրունճեան:


Զերմ մթնոլորտի մէջ գրոյցն ընդգրկեց Մերձաւոր Արևելքի մէջ Հայ եկեղեցիներն ու համայնքները հետաքրքրող խնդիրները, ինչպէս նաև եկեղեցեաց Էկումենիկ շարժումը, խաղաղութեան ամրապնդումը, Ազգային վարժարաններու և այլ շահեկան հարցերը:

Եկեղեցւոյն մէջ միատեղ աղօթելէն ետք հիւրերը մեկնեցան գոհունակութեամբ:

ԳԻՒԱՆ ԱՌԱՋՆՈՐԴԱՐԱՆԻ

Գահիրէ, 12 մայիս 1987





ԱՊՐԻԼՅԱՆ ՏՈՆԱԿԱՏԱՐՈՒԹՅՈՒՆՆԵՐ ԲԱՂԴԱԴՈՒՄ

Բաղդադի առաջնորդարանից հաղորդում են.

1987 թվականի Ծաղկազարդը, Ավագ Շաբաթը, Ս. Հարության տոնը և Ապրիլ 24-ի հուշատոնը բացառիկ հանդիսավորությամբ են նշվել Բաղդադում՝ ի հոգևոր սնունդ և մխիթարություն հայ հավատացյալ ժողովրդի: Առաջնորդանիստ Ս. Գրիգոր Լուսավորիչ եկեղեցին և լայն շրջափակը եռում էին համայնքի զավակներով, որոնք և՛ իրենց ոգեշնչող ցնծությամբ, և՛ միահամուռ ներկայությամբ խանդավառ մթնոլորտ էին ստեղծում:

Իրաքի հայ բնակչությունը կազմում է մոտավորապես 20000 հոգի, որոնց մոտ 14000-ը կալք է հաստատել Բաղդադում: Արարողություններին մասնակցում էին ոչ միայն բաղդադցիներ, այլև այլ շրջանների հայեր, մոտ 11000 հոգի. սա վկայում է հայ ժողովրդի միասնական ջանքի և առաջնորդարանի լավ աշխատանքի մասին՝ գլխավորությամբ թեմի բարեխնամ առաջնորդ գերշ. Ս. Ավագ եպիսկոպոս Ասատուրյանի:


Խորհրդանշական է, որ Ունկվայի արարողությանը, իբրև Քրիստոսի աշակերտ-


ներ, մասնակցել են 12 հայ զինվորներ, որոնք իրենց պարտականությունն են կատարում իրենց ծննդավայրի նկատմամբ՝ Իրաք-Իրանյան երկարամյա ուժասպառ պատերազմում: Սրբազան հայրը իր քարոզում հույս է հայտնել, որ այդ օրվա օրհնությունը այդ զինվորներին կբերի խաղաղության ցանկալի ավետիսը. «Խաղաղություն հեռավորաց, խաղաղություն մերձավորաց, խաղաղություն ամենեցուն»:

Հատկանշական է նաև, որ Ապրիլյան մեծ եղեռնի հուշատոնը նույնպես կատարվել է եկեղեցում, միասնական ջանքերով և համախումբ: Ներկաներին իր առաջնորդական պատգամն է տվել Ավագ սրբազանը, որից հետո Ազգային կենտրոնական վարչության գլխավորած թափորը առաջնորդվել է տեղի Ապրիլյան հուշարձան, ուր հոգեհանգստյան պաշտոն է կատարվել «Բյուրավոր նահատակաց հոգիների համար»:

Բաղդադում ապրիլ ամիսը հաստատեց հայ ժողովրդի ապրելու կամքը:

ԹՂԹԱԿԻՑ





«ЭЧМИАДЗИН»
ОФИЦИАЛЬНЫЙ ЖУРНАЛ ЭЧМИАДЗИНСКОГО КАТОЛИКОСАТА
(ИЮЛЬ 1987 г.)

1. Незабвенные дни (редакционная)—(стр. 3—5).

2. Обмен телеграммами между Евангелической—Лютеранской Церковью Эстонии и Первопрестольным Эчмиадзином, 29 июня 1987 года (стр. 6—7).

3. Священник *Петрос Малай*—Визит Его Святейшества Вазгена I в монастырь св. Гегарда, 28 июня 1987 г. (стр. 8—14).

4. Пребывание Его Высокопреосвященства Максима V патриарха Антиохии и всего Востока Греческой Католической церкви в Первопрестольном Светом Эчмиадзине, 6—7 июня 1987 г. (стр. 15—17).

5. Сообщение канцелярии Первопрестольного Эчмиадзина о посвящении в сан иеромонаха пяти выпускников-диаконов Духовной академии св. Эчмиадзина, 16 июня 1987 года (стр. 18).

6. Сообщение канцелярии Первопрестольного Эчмиадзина о годовой сессии подгруппы «Ближний Восток» Христианской Мирной Конференции, 18 июня 1987 г. (стр. 19—20).

7. Сообщение канцелярии Первопрестольного Эчмиадзина о пребывании Его Высокопреосвященства Максима V Патриарха Антиохии и всего Востока Греческой Католической церкви в святом Эчмиадзине, 19 июня 1987 г. (стр. 21—22).

8. *Ерванд Мелконян*—Заседания Христианской Мирной Конференции в Первопрестольном Святом Эчмиадзине, 12—15 июня 1987 г. (стр. 23—30).

8. *Ерванд Мелконян*—Заседание Христианской Мирной Конференции в Первопрестольном Святом Эчмиадзине, 7 июня 1987 г. (стр. 31—34).

10. Биографии новорукоположенных иеромонахов—Селуха Чулджяна, Сиона Адамяна, Нава-

сарда Кчоаяна, Серовбе Исахаяна и Абраама Мкртчяна (стр. 35—39).

11. Церковная хроника. Новости. Описание литургий, проповедей и других торжеств в Первопрестольном Светом Эчмиадзине за июнь—июль месяцы 1987 г. (стр. 40—41).

12. Защита диссертаций на степень кандидата богословия архимандрита Паркева Мартиросяна (20 июня 1987 г.) и дьякона Акопа Мартиросяна (19 мая 1987 г.)—(стр. 42—43).

13. Торжественное закрытие 1986—1987 учебного года Духовной академии святого Эчмиадзина, 8 июня 1987 г. (стр. 44—48).

14. 100-летие Его Высокопреподобия архимандрита Погоса Ншаняна (краткая биография)—(стр. 49).


15. *Архимандрит Комитас Овнанян*—Проповедь (стр. 50—51).

16. *Священник Аветис Даниелян*—Пребывание предводителя патриаршей Араратской епархии Его Преосвященства епископа Гарегина Нерсяна в США с 26 апреля по 30 мая 1987 г. (стр. 52—54).

17. *Иеромонах Затик Аветикян*—Съезд армянского духовенства Западной Европы в Лионе, 30 апреля—2 мая 1987 г. (стр. 55—57).


18. Визит Его Высокопреосвященства архиепископа Завена Чинчиняна, предводителя армянской церковной епархии Египта Его Святейшеству Парфению III, греческому патриарху Александрии и ответный визит Святейшего Парфения III в резиденцию армянского епархиального предводительства (стр. 58—60).

19. Празднование Вербного Воскресения, Страстной Недели, Святого Воскресения и поминовение памяти жертв геноцида в Багдаде (стр. 61).




"ETCHMIADZIN"
OFFICIAL MONTHLY OF HOLY ETCHMIADZIN
(JULY 1987)

1. „Happy days“ (editorial)—(pp. 3—5).
2. Cables exchanged between the Holy See and the Evangelical Lutheran Church of Estonia, 29th June 1987 (pp. 6—7).
3. **Father Petros Malyan**—The visit of His Holiness to the monastery of Holy Geghard, 28th June 1987 (pp. 8—14).
4. His Beatitude **Maximos V Hakim**, the Patriarch of the Greek Catholic Church of All East, in the Mother See of Holy Etchmiadzin, 5—7th June 1987 (pp. 15—17).
5. The communiqué of the Holy See's Chancellery about the ordination of the five deacons to celibate priest, 16th June 1987 (p. 18).
6. The communiqué of the Holy See's Chancellery about the annual session of „Near East“ sub-commission of the Christian Peace Conference in Holy Etchmiadzin, during the days of 12—15th June, 18th June 1987 (pp. 19—20).
7. The communiqué of the Holy See's Chancellery about His Beatitude **Maximos V Hakim**, the Patriarch of the Greek Catholic Church of Antioch and of All East, who was in Holy Etchmiadzin, 19th June 1987 (pp. 21—22).
8. **Yervand Melkonian**—The meeting of the Christian Peace Conference in the Holy See of St. Etchmiadzin, 12—15th June 1987 (pp. 23—30).
9. Ordination of celibate priests in the Holy See of St. Etchmiadzin, 7th June 1987 (pp. 31—34).
10. The biographies of Rev. **Sebooh Chooldjian**, of Rev. **Ston Adamian**, of Rev. **Navassard Kedjonyan**, Rev. **Serovbe Issakhanian** and Rev. **Abraham Mekertchian** (pp. 35—39).
11. Divine liturgy services and sermons delivered in the Holy Cathedral and description of church festivities in the Holy See during the months of June-July 1987 (pp. 40—41).
12. The oral presentation of the theses for the degree of candidate of Theology of Rev. **Parkev Martirosian** (20th June 1987) and of Deacon **Hakob Martirosian** (19th May 1987)—(pp. 42—43).
13. The feast at the end of the 1986—1987 scholar year of the Spiritual Seminary of Holy Etchmiadzin, 8th June 1987 (pp. 44—48).
14. The Reverend **Poghos Ter Neshanian** is 100 years old (short biography)—(p. 49).
15. Rev. **Komitas Hovnanian**—Sermon (pp. 50—51).
16. **Father Avetis Danielian**—The vicar of the Araratian Patriarchal diocese Rev. Bishop **Garegin Nersessian** in U.S.A., 26th April—30th May 1987 (pp. 52—54).
17. Rev. **Zatik Avetikian**—The conference of the Western Europe's Armenian clergy in Lyon, 30th April—2nd May 1987 (pp. 55—57).
18. The visit of Rev. Archbishop **Zaven Tchintchintian**, prelate of the Armenian diocese of Egypt, to His Holiness **Parthentios III**, Pope and Patriarch of Greek Orthodox Church of Alexandria and of All Africa (6th April 1987) and His Holiness' return visit to the Armenian prelacy (7th April 1987)—(pp. 58—60).
19. The ceremonies of Palm-Sunday, of Holy Week, of the feast of Holy Resurrection and of the 1915 April Genocide's memorial day in Bagdad (p. 61).



ԲՈՎԱՆԴԱԿՈՒԹՅՈՒՆ

ԽՄԲԱԳՐԱԿԱՆ—Երանելի օրեր	3
Հատոմիայի Ավետարանական-Լուսերական Եկեղեցու և Մայր Աթոռի միջև փոխա- նակված հեռագրեր	6
ՊԵՏՐՈՍ ՔԱՀԱՆԱ ՄԱԼՅԱՆ—«Ես էլ եկել եմ իբրև ուխտավոր»	8
Ամտոյորի և համայն Արևելքի Հույն Կաթոլիկ Եկեղեցու Պատրիարք Նորին Ամենա- պատվություն Մաքսիմոս Ե Հաքիմը Մայր Աթոռ Ս. Էջմիածնում	15
Հաղորդագրություն	18
Հաղորդագրություն	19
Հաղորդագրություն	21
Ե. ՄԵԼՔՈՆՅԱՆ—Քրիստոնեական Խաղաղության Համաժողովի հավաքը Մայր Աթոռ Ս. Էջմիածնում	28
Արեղայական ձեռնադրություն Մայր Աթոռ Ս. Էջմիածնում	31
Տ. Սեպուհ արեղա Չուլջան	35
Տ. Սիոն արեղա Ադամյան	36
Տ. Նավասարդ արեղա Կճոյան	37
Տ. Սերովքե արեղա Իսախանյան	38
Տ. Արրահամ արեղա Մկրտչյան	39
ՄԱՅՐ ԱԹՈՒՌՈՒՄ—Եկեղեցական բեմ, լուրեր	40
Աստվածաբանության թեկնածուի թեզերի բանավոր պաշտպանություն	42
Ս. Էջմիածնի հոգևոր ճեմարանի 1986—1987 ուսումնական տարվա փակման հանդեսը	44
Հոգեշնորհ Պողոս վրդ. Տեր-Նշանյանը 100 տարեկան է	49
ԿՈՄԻՏԱՍ ՎՐԴ. ՀՈՎՆԱՆՅԱՆ—Քարոզ	50
ԹԵՄԱԿԱՆ ԿՑԱՆՔ	
Տ. ԱՎԵՏԻՍ ՔՀՆ. ԴԱՆԻԵԼՅԱՆ—Արարատյան հայրապետական թեմի առաջ- նորդական փոխանորդ գերաշնորհ Տ. Գարեգին եպս. Ներսիսյանը ԱՄՆ-ում	52
Տ. ԶԱՏԻԿ ԱԲԵՂԱ ԱՎԵՏԻՔՅԱՆ—Արևմտյան Եվրոպայի հայ հոգևորակա- նաց համագումարը	55
Այցելություն Աղեքսանդրիոյ Ցունաց Պատրիարքին	58
Ապրիլյան տոնակատարություններ Բաղդադում	61
«Эчмиадзин» официальный журнал Эчмиадзинского Католикосата	62
«Etchmiadzin» official monthly of Holy Etchmiadzin	63



ԽՄԲԱԳՐՈՒԹՅԱՆ ՀԱՍՑԵՆ

ՀԱՅԿԱԿԱՆ ՍՍՀ, ԷՋՄԻԱԾԻՆ

«ԷՋՄԻԱԾԻՆ» ԱՄՍԱԳՐԻ ԽՄԲԱԳՐՈՒԹՅՈՒՆ

Армянская ССР, Эчмиадзин, Редакция журнала «Эчмиадзин».

Հանձնված է արտադրության 3.08.1987 թ.: Ստորագրված է տպագրության 31.07.1987 թ.:
Տպագրական 4 մամուլ + 2 ներդիր, թուղթ 60×84¹/₈, պատվեր 978:

Մայր Աթոռ Ս. Էջմիածնի տպարան, 1987 թ.